

卷之三

丹陽集目

嘉慶元年丙辰九月朔庚午徵波榭錄

序 孫觀

卷一 劄子

進表士圖籍劄子

乞以學書士御屏

并藏辟廱劄子

辭免太子右諭德劄子

辭免大

司成劄子 表

賀皇帝元會銜大慶殿表

賀太

上皇表

賀孝慈淵聖皇帝登寶位表

賀今上皇帝

登寶位表

賀冊元符太后表

賀立皇后表

代慰

欽成太皇后祔廟表

代慰欽聖太后祔廟表

代慰

欽慈太皇后祔廟表

徵字皇帝頭面皇后懿節皇

后梓宮還闕表

慰隆祐皇太后上仙表

慰節懿皇

后上仙表

代慰聖瑞太妃表

賀正旦表二首

天申節賀表

賀昭聖大祀表

天寧節賀表



天寧節進銀絹表 天寧節進新銀絹表 進  
奉天寧節功德疏謝書表 賀燕巢表 賀日  
戴承氣表三首 賀日食不及食表 賀日蝕陰  
雲不見表 賀慶雲表 賀收復澶州表 賀收  
復益山府表 賀澶州芝科表 賀瑞石表三首  
賀水晶大花金瑪瑙表 進奉生擒賊賊馬  
魁馬謝詔書表 謝收復燕雲進馬賜詔書表  
卷二 謝特賜謚先考法考表 謝降詔不允乞外  
任表 休寧知縣謝上表 吉司成謝上表 謝江州  
太平觀表 謝復右文殿修撰表 汝州到任謝表  
謝改寶靈縣名表 厚輒奏乞曹馬後以事放罪  
謝表 謝陰顯謨閣待制表 湖州謝到任表

鄧州謝上表 再任湖州謝表 謝陰顯謨閣待制  
表 謝賜歷日表三首 代皇子辭官表 再代皇  
子謝授官表 代謝賜名表 代嗣濮王謝封等  
表 代宣謝詔再入翰林表 代謝不允乞外表  
代謝官表 代謝授官表 代謝朝參減拜表  
代謝敕設表 代兗州謝上表 代沂州謝表  
代謝賜御書千字表 代謝對衣金帶馬表 代  
高鳳王謝賜太平御覽表  
卷三書 上揚州塞尚書書 上兗州太守書 答  
李集正書 上監職書 謝曾運使書 上白祭酒  
書 回施仲應秀才書 上前宰相書 答王商長書  
答李解元書 与程嘉量秀才書 与制置使運

書 答顧教授書 与胡學士書

卷四 謝斌宏詞及三經義入等啓 兗州教

授謝到在啓 与提學殿院啓 賀郭帥各待制啓

賀亮守祝刑部啓 与運使啓 謝郵教授

謝官使保和啓 謝陰館職啓 謝監職薦縣

令應詔啓 賀中書舍人啓 賀取左丞啓 上左丞

啓 答何狀元啓 回王狀元啓 回第三人董狀元啓

答盛學士啓 答鄭學士啓 賀韓學士啓 賀

黃學士啓 答武學李博士子年啓 与運使啓 音

謝江陰曹縣尉就衆啓 卷五 復修撰謝西府啓 汝州到任謝西府啓

賀趙鎮按啓 賀運使劉龍圖啓 賀運使印甲

學士啓 与運使啓 賀胡長運使 賀提刑大仰啓

答秀州知府曾學士啓 賀金陵曾修撰孝履啓

賀王修撰啓 回河陽王待制啓 賀平啓 音

答周舍人賀冬啓 謝王奉議以寧啓 答卓奉

儀啓 答汝有幹啓 答孫宣教啓 又 答曹宣教啓

答汝學錄啓 除顯謨閣待制謝西府啓 賀太宰

啓 湖州到任謝西府啓 答海門知縣啓 答王知縣

啓 鄧州到任謝執政啓 鄧州謝范左丞啓 与范

左丞致書啓 再 上執政啓 賀提學監丞啓 賀湖州

秦守啓 賀宇文賓文 中 知湖州啓 賀陳大資 与義

知湖州啓 賀汪少卿 思溫 知湖州啓 謝蔣縣丞

汝功啓 賀中書侍郎啓 賀范留守致書啓 賀

平江知府胡舍人啓 賀吳少宰啓 賀吳少宰啓 賀吳少宰啓 賀吳少宰啓

賀官樞密啓

卷六 謝修撰啓 湖州引任謝西府啓 湖州引任

謝監司啓 上監司啓 賀參政啓 賀參政啓

政啓 賀秦太師啓 題謨閣待制謝西府啓 代

克守謝列任啓 代謝以官啓 策問 治德

治功 治效 官制 官方 選舉 考察 取

士 士習 勸學 武士 富強 食貨 藩鎮

遠識 清民 律令 論 孝論

卷七 論 孝論 學論 齋論 南齋論 果

論 陳論 論魏博 論彰義 論鎮冀 論

盧龍 論澤潞 外戚論 衛古論

卷八 記 重葺太宗皇帝御書元白玉堂記 宗

正寺少卿壁記 軍學記 錢氏遂初亭記 序

陳去非詩集序 中散兄詩集序 晏氏續千字文

序 段構教授字序 贊族長老字序 書後

書淵明集後三首

卷九 頌 端誠殿三升頌 湖州烏程縣烏墩鎮普

靜寺觀音閣銘 并序 歙州祁門縣玄雅山辟支佛

舍利銘 并序 景德寺新鐘銘 贊 十六羅漢贊 并

跋 跋錢仲仲東坡詩卷 跋曹職方詩卷 跋洪

慶善所藏東坡書杜詩并判記牒 跋褚遂良臨女閣

亭帖 跋吳子華帖 跋洪慶善所藏本朝韓范諸

帖 跋蔡君謨帖 跋君謨與唐彥猷論其弟直諸帖

跋法皇閣黎君模帖 跋荅潮州于大夫竹書帖

跋魯公李禹并林文并公與祖帖 跋河中守章

公接刺血上表乞文內徒帖 跋陳去非右丞畫山水

跋醉道士圖 跋与可竹 題佛手竹經 跋列知言

跋西書華嚴經 跋道寧刺血書經 跋涵山法法

師書法華經 跋周仲嘉般若經心 跋慈皇

卷十 疏 乾龍茅功德疏 功德疏四音 乾慈皇

后功德疏 欽成皇后功德疏 徽宗皇帝寧德皇后

功德疏 建崇寧寺疏 景山寺建大藏疏 景山

募藏經疏 懺大藏經疏 又再懺金剛經疏 又帖

惠辨由里山疏 普靜寺禮佛會疏 齋僧疏

大晟鑄景鐘疏 追薦考妣疏 道場山齋僧

薦考妣疏 香山追薦疏 景山寺孟蘭盆薦疏

五馬墩福田院設水陸疏 設黃籙追薦寃魂滯

魄疏 古詞 祈福設籙古詞七首 懺罪設籙

古詞音 女病設籙古詞 首錄古詞 定成設籙

古詞 卷十一 文 汝州勸農文 游昭節皇后奉上册寶前

一百奏告太廟別廟德隆殿昭節皇后奉上册寶祝文 初

蒞任祀神文四首 天齋仁聖帝祝文 南郊赦後祝文

三首 祈晴文五首 祈晴禱現音文 謝晴文四首

觀音廟謝晴文 諸廟謝晴文二首 蔣山謝晴文

秋賽諸廟祝文 祈雪文三首 謝雪文三首 顏魯

公祝文三首 上皇文 睿模殿上皇文 重建顯模閣

上皇文 重建龍圖等閣上皇文 建廟上皇文 建

齋宮上皇文 賓儀新居上皇文 出啓 教坊銘

句合曲 句與隊曲 隊名 句小兒隊 小兒隊

句雜劇 放小兒隊 句女童隊 隊名 句女童隊

女童致禮 句雜劇 放女童隊

卷十二 墓誌銘 故顯謨閣直學士魏公墓誌銘

樞密吳公墓誌銘 朝奉大夫吳公墓誌銘 朝議大

夫施公墓誌銘 大任

卷十三 左朝議大夫致仕祝公墓誌銘 原 朝散大夫

致仕柱國賜紫金魚袋侍其公墓誌銘 暉 右朝散大夫

侍其公墓誌銘 左承議郎致仕丁公墓誌銘 安常 承

議郎王公墓誌銘 登 奉議郎致仕周公墓誌銘 右奉

議郎致仕賜緋魚袋魯公墓誌銘 壽寧

卷十四 宣義郎致仕王公墓誌銘 釋 文井郎致仕王公墓誌

銘 周臣 著作佐郎陶公墓誌銘 直夫 以陰胡君墓誌銘

皆以陰趙君墓誌銘 越 中奉大夫葛公墓誌銘 師中

葛君墓誌銘 叔 法太安人王氏墓誌銘 樊宜人蔡氏

墓誌銘 徐太令人葛氏墓誌銘 妻碩人沈氏墓誌

銘

卷十五 外狀 朝奉郎累贈少師特謚忠孝葛公

外狀 書思 大中大夫大司成葛公外狀 次仲 勝仲 兄

祭慕容容尚書文 祭列尚書文 祭列領政文 祭

王修撰文 平江祭外祖父母墓文 祭外舅沈朝散

文 再 祭侍郎文 祭七兄可成文 祭外姑壽安

文

君文 祭亡嫂紫國太夫人盧氏文 祭施氏妹若人

文

卷十六 四言詩 嘲茶山 茶山解嘲 五言古詩

閩中折息疲起卧少頃復視事 送鄧寧氏罷

瑕即寫 次韻良器直意亭探韻 并序 送曹守罷

任赴閩中肯 完學初舊呈子先 完府學及先聖廟

呈叔府唐逢拜 六月末伏少集南瑞探韻以清字

送六兄將往先入都赴給試 送友赴試鉅野送三西

門時方有外舅之戚極目之所 在歸不以此作詩五首

却寄以風雲入壯懷為韻 寄題長安禪指之殿觀

閣 次韻洪先道功釋奠收齋 次韻盧新之知

原見贈 次韻李昭 再和示 誦全剛經滿之藏偶作

如淨院 禪靜寺 採芝庵以解所求泉若以月光

命之 己丑次梅溪柴平寺兄子宗丞嘗監鎮印寺為解

卒官晚之東庄 次去非韻簡元忠使君 九月廿七日信

少蘊左轄飲朱氏井亭以朱杉中寄其弟詩為韻席

上同賦 蒙左轄復次韻見寄復賦二首 魚池放魚

呈曹奉 辛卯次 務山古以院進士萬廷老介來謁

寄友 不置一寄中約五排耳 窄韻一首 陸周韓侍銜遷居北市示詩

次韻 朱偃吹笛 壬辰次曹奉山百福院 披

雲產 跋胡德輝 陸詩美 德輝次詩見寄

復和 題板城懷古亭 癸巳次古浮山普慈寺

甲午次東天目山紫陽觀梁武初置昭昭太子勒碑紀當

時恩獎之盛 乙未次普信院古首座惟表誅道 于



瀟沙陽地僻家遠遇寒食不知蓋向人乞不甚重其  
弟也感而賦詩五首以杜子美三家對寒食五字為韻

卷十七 五古 涉汝詩并序再和涉汝詩呈去非伯仲

送好元廷三 俞居易侯兄弟並時為屬邑長示

其父所藏東坡送好元廷用其韻跋卷末 戊戌次

福勝院 此作志羅山塔記并徐敏求墓銘皆崇宏道

為書作詩以謝 次長清寺 王南陽却寄吳興諸寮

占襄陽太守法亞仲顏幾泛漢江 襄陽大悲院

作 乾明院作 游峴山 次韻黃夢山遊西余山

相悅堂宴集晚移登嶽亭德升有詩復次韻 孟居鳳

興 崇莫伯錡餉酒携印苦村元平山莊賞菊坐客

皆稱嘆以詩音謝 謝洛師茶尹詩餉酒 和韻各

馬用宏毅朝散 用宏見和復和一首 海昌陸中散

兄游硤石東西山及讚山而別兄獨游黃灣諸山寺寵

寄三詩因述前遊却寄 硤石寺間擊磬猶然不能

食 七月一日指道祖共飲 諸人見和復次韻 次韻

章增道祖山徐居 病起一首 三方和韻復和一首

錢氏通惠泉 謝興之餉魚肉二篇一首 送回所識

友人遊圓覺問道慈受 東莊院 中秋三首與仲仲

飲書齋書呈仲仲 送仲仲歸漆塘以語及君臣

際經書滿腹中為韻十首 明日元亨赴台見別用前

韻送行 丁巳遊大雄寺有陳朝檜 藉山承慶報

慈禪院列布範資政墳寺法參預為神道碑

戊午生長興郭泛西溪至馬果院 戊午次吳山解空

院乃端師子道場是日己呈法中禪矣 己未次廣

惠院 次吳粹老現我齋帶詩

卷之六 七古 同子充遊堯祠見交代李行正詩追用

李太白舊韻因之次韻呈子充 記夢詩并序補之

見和復次韻二首 送人求鯪魚 刁馬河上書事呈

提學使聖用 謝人惠笋 喜元重歸 試達

溪敦谷次元述韻 次韻去非謝前教授餽澤州瓦

硯 次韻去非題紫羅洞 次韻去非梅辰 次韻去非

留別 喜宗正姪病愈 喜同李仲安上賦崔白沐猴

杏表 高君贄之猷兼致職奉走疲甚以詩勞苦之

邑侯善補之師仲柱詩甚竅辛爾酬和 送評師以

小川先之貞悻甚見屬亦寓館未寓好事者聊作

詩以寄因以述之 寄題吳江王文瑞仙解元驪庵

次韻慶善九日 再和慶善 送慶善之江陰

嘲周明代答 依韻和子有教授好寄書詩 衛卿

弟和詩甚佳復和一首 衛卿弟賦詩見貽和答首

時有送軍之興 次韻鄭推心遊西余山 明月峽

工部兄詩治小園壘土為火爐戲為勸招客 大文

通政弟志自南軒蓋處有相如時因名琴軒初

不措琴者亦記教意而偶失其本故今家集不載

比者興之好閱故書以之見既喜而成詠呈兄工部並

簡弟好 諸人名見和復和一首 沈必先殿院與弟用策

字韻賦詩見贈謹依韻和時居盛并 崇推心示謝必

先尚書伯華佳什時推新方刊三國史輒依韻學和

次韵王公之方池又子既月 奉天初 縣丞致寄示  
次韵作诗起谢 程良器嘉量解元许为画也作诗  
次韵 次韵花昌龄去有慶新居 先云忌飯僧快空  
興之好有詩和韻 贈星州僧了然 和陳簡齋韻  
依韻和興之好 寄題仲仲芳美亭 圓浪所將  
游如月道祖韻作詩贈行 拓道祖簽判寄若耐辱  
示准篇紀事輒依韻奉和且約再冰釀云 妙言道祖滄  
浪亭落成台會 流杯 次韻道祖大水 同道祖及子  
會遊茶山歸因成 新池水涸股川於前溪辱前祖  
來覲 和以庵基於古山用立方韻詩道祖同賦 道  
祖見和復賦音 大暑新在納涼和小子韻 用立方韻  
二首 立方湖小閣附火興之好作詩助會客次韻

卷十九 五律 次韵友人待制吳陵邑之有 和送佳  
元方南京樓 題橫井館 題領江驛 次韵李子京  
宋城道中詩三首 寄題海會晚賓軒 登換雲  
亭和之部兒韻 次韵和慶善遊圓覺寺歸詩首時  
僕六方自徑山歸 庭歸不寐 次韵慶善九日  
慶善再和復和 函居三首 印事三首 試墨  
微雨小飲客王閣人辭以出令追路已不及偶作 題庵  
壁 龍井 龍峯 觀山錫將并詩 趙新升  
汝翼三墳 昭懷皇后挽歌詞三首 李楚老尚書  
挽歌詞三首 方待制挽詞三首 莫子憲中奉挽歌  
詞三首 致仕朝奉親家丁公安奉 挽歌詞三首 胡  
誠甫朝散挽歌詞 凌丞事挽詞三首 許處士挽

詞音 魯國右夫人楊氏挽歌詞四首 五言長律

學子郭勉夫至為次韻答之 勉夫亦詩鳴其窮甚

哀因次韻答之極其哀悼之態而亦勉之以科事庶

廣其意也 中秋和韻 次韻逢升喜雪 次韻李

伴安上喜雪 再和 十一月初曾遊吳山院 志華

追記十一月九日潭頭之遊 十一月廿三日立雪中散

兄講棟華第六會物盛是日大雪山如女子生輝福勝

及夜柳移形庭偏且五鼓方罷既歸不以寐偶成

律詩紀事拜呈中教兄並同以任阜民詳定侍

即道祖簽幕判院朝投轄奉叙仰任賓錄待

制 六言詩 六月六日大暑市中至肉店厨索然作

六言三首 再和三首 六律 諸生詣府見留再在

偶作示勉夫三首 次韻岳杜岩錄泉 示友所

次韻祝邦直廷題飲風泉 次韻祝守康度鳴堂贈

諸先輩 出院內期呈同院三首 志州試院次

監門韻四首呈同事李主各補三簽判王柏立三劉及

王父三宰鄭与叔存道司戶李政改道縣丞 再次

韻四首呈王文 次韻蔡安度兼才賦末鹽 次韻德

升再講酬唱 次韻德升見懷 次韻劉仰任阜民

對假菊在亭新酒 諸生抱糧偶作三首示勉夫

題觀音院 九日汝州留郡中不遂同遊以詩見寄次

韻 次韻德升遊堯廟 次韻子充九日達天寧道

場罷遂遊堯祠 次德升詩亭詩韻 園空知息浪

遇驛青庭事蕭然蒙良器解元竈詩輒以三章為謝

多時不吃可平

二陳作書懷詩之次韻

庚升 將王襄陵三首 原山飯僧薦考批元述年詩

次韻 次韻敦仁敘授述懷 近蒙百良崇夫之教

授用贈太守韻見貽輒復和答 仗崇達之學諭以

詩寵其生日次韻酬謝 段去塵教授示書以答三首自

况作詩謝之 旬休延聖院約陳周檀州招飲呈德升

詩三首 元三日上循德孝迪招飲方池宏道兄有詩奉

和以紀一時之事 伯先以園亭名書壁間因作

伯又改政通直取謝吳運詩句作書教年賦詩次寄

和之首 賀十一拜又及婦氏受恩書 和袁仲先喜春

仲先登科 袁仲先改官陞朝作詩祝賀三首

次韻袁仲先詩兩中興三首 空想有進功之新兒

呂容 次韻韓景賢承議自金陵沿檄宣歙道中

見貽音 五月望日會食善滿院夜歸作詩音

呈文中縣丞王老禪師以贈王或 古言葉氏界

亭蓋集成句呈文中縣丞 華佐所降兄和復

次韻答之 和少溫石界寺竹堂三首 呈王非

整源初門之令廿十亦為保官便劇慨然羨之作

詩之首自悼 周之之彥履運使巡按海寧追憶曩歲

与伯仲同奉板輿之樂感慨賦詩不惟辭也原格律詩

蔚高邁且足以教孝弟而厚風俗昔夏侯湛作詩示

潘岳曰此之非徒溫雅乃別見孝悌之性因次韻和首

贈覺僧首三首 靜昇寺 次韻工部兄陰月見寄

三首 推心以結送花果我次韻 送胡彦師職方迎親

赴闕侍讀官程伯禹以賜茶寧王敦仁馬厚教授  
蒙惠心勝以誌紀謝 次韻宏道遊三官院園竹亭  
往辟廱不果往 詠槐 鄧子文 崇禛曹在道  
相過且士往還也見示次韻之扁上言 次韻正臣朝  
議見寧王音 次韻荅王聲見贈 和目疾韻 和  
居書懷上音 謝太守惠茶 荅茶 謝通判惠  
茶用前韻 次韻郭大夫 中秋夜宿舞陽精舍  
三月三日遊風穴白雲寺呈通判音 四柱坊并引  
吾宗故事子孫登第必有獻酬也付去歲立侍立  
經二好並中利選未有慶以誌者偶示少韻 次韻  
覺心道人游群園 留二季又音 和若拙弟說汝  
州可居已約上一印韻 次韻陸嵩老初都見寄音

次韻何德管等惠寺詩音 伯氏喪歸有日遣  
立方祭奠 次韻景純將襄陽看忘里第 崇若  
拙寵次陳敏彥振韻三和 次韻宋景純唐年 陳去非  
古義 吳仲 并又承事用先公舊韻作詩次韻和呈  
和元方寧王杜弟託覓顏淵之名下韻 崇若拙  
見和復次韻 伏蒙孝立朝結同年赴九日遊馬堂  
日以准扁須酒詩依韻上謝 通日詩卷承若拙  
占能 編為少集見示且有詩因次韻 次韻景純後園  
宴集 景純別汝數日遠求別僕園不敢留客然宋  
伯舉軒為兄蘇勸道去字 為婦之兄遠見去似非人  
情輒賦是詩幸之僚留之 慈南於士暫出迴邑以  
盛藻見規謹依韻奉和上音 提宮上新兄探家見

過輒成律詩三首上呈 福國禪師日書寧院作呈工  
部兄 止闌禪隱軒建瓢飲亭季文以詩寄題和韻  
次韻景純見寄叙相從三事 奉酬景純道中見寄  
之什 友仰寄詩并月波酒和其韻 次韻并才函后二  
首 次韻之部兄見寄三首 次韻并才以詩卷見還三  
作 昌化崇霄閣次長老仲希賦  
卷之 去南陽有日書懷三首 郡齋書懷 南陽  
諸僚和留別詩再和三首 還鄉有作三首 甲申  
冬居寓丹陽縣書懷呈邑宰沈子蒙 戲書 依  
韻和之部兄尋由里山泉眼 次韻和之部兄雪三首  
菁山梅花盛開予獨未之知十一月廿二日周元美察院  
餉教枝以詩三首為謝 次韻耿守承雪 景山寺后

去風步月 十二月十日泛舟以北風寒迴棹 正月廿六日

雪後登子亭示道祖 贈講華嚴惠也大師 贈深老

贈福勝院老僧有宣 喜日野步三首 二月十日 戲謝

村福田院現樂僧會寺乃吳運故宅呈道祖 天寧

弟感事示寶華繼老 和西郊喜事招元方同遊韻

和元方用韻見寄次韻奉謝並呈元東韻三首

追賢院食已度嶺歷宋胡楮庵轉山夜歸 定

山寺 章申口墳寺 讀史三首 与工部兄適歲恨

離多會少又恨衆少苦多述懷書 和工部兄遷中散

述懷韻 寄獻中散兄生辰 次韻大資弟使薛以

見貽三首 依韻和薛大資將往仙潭 次韻林茂

南紀喜雪三首 僚佐再和復作三首 次韻中散兄

及諸弟寄願諸卷三首 吳衛竹弟三首 曾夢  
良傳惠然見存出示詩十有七篇偶撫以遺成三  
篇紀謝 中散兄喜罷郡有詩次韻却寄 次  
韻中散兄見寄 次韻錢仲仲神見貽兼送別  
首 題寄仲仲先些瞻雲亭 喜中散兄將王  
次韻中散兄將刊先示詩 次韻中散兄喜雪三首  
次韻中散兄三首 友所弟見和復賦二首 次韻雅心  
二首 次韻葉少協夢齡泛舟 寄題拙亭 和少字  
韻 次韻朝隱招飲三首 招中散兄飲 次韻仰任賦  
五首 次韻道祖賦五首 喜情 陳朝檜 喜  
畫偶作次元述韻 次韻元述 印事三 村人寫  
于像印景山飯道僧祈禱為會頗盛 除夕郊居始

書懷 次韻德井願軒書懷 次韻中散兄慶立  
方賜第 次韻邊以昭知常 放魚 次韻顏孝立任天  
同年 和必先龍圖謝酒並呈沈次律 臨川 大學士  
贈史德德 贈鮑欽止 慎由二首 挽政政奉儀  
魯以壽寧 歌詞 洪子榮令君挽歌詞三首 大卿表  
兄莫以年 砥挽歌詞三首 先兄中散挽歌詞四首  
哀範仰學士弟 楊彥安 植 大夫挽歌詞  
卷之七 七絕 讀史四首 王嘉 馬融 陳蕃 鄧伯道  
泮水 廟完 靈光故基 登嶽亭 李可慶三邱  
省習學偶題 崇文中縣丞以詩送苦學志華  
六首為謝 四日口蒙之年的里飯作詩三首紀謝  
以作里飯新在詩首末蒙之中縣丞說和志華



再賦以助一笑 次韻法仲宗 元幹 絕糧五絕 隱仁

并求楷笥四首 陪重仲遊智泉池不獲妓偶作

三首 少益內翰示和朱氏新治洵泉之作依韻

和物絕 次韻并才見贈二首 尋山 山亭 鳳

凰山泉石勝絕去城幾里而前此未有知者偶因

休吏占文中良器之士訪尋以壞奇卓絕之觀於荆棘

州莽間相顧大笑因崇基址築亭榭且疏泉社祀地為

登臨嘯咏之地九月廿五日游涉歸夜作小詩十首 再

賦十絕 走筆再和鳳凰山十韻酬良器解元並呈文

中宣德 送吳浩赴江州般若寺詩三首 贈僧先知

廣僧善能求詩贈之絕句 靈山紀遊 寄次顏并

時為蘇州廣官 題龍興寺顏魯公祠二首 友御

病起二絕句 遊徑山三韻常上人字季可以山中秋日

十詩求和用次韻 次韻利年言畫 山中五絕句敢請

諸僚和之 遊真意亭以三絕句示良器 嘲懶師

中庭雙柏 約特進河東相以元樞河南相以遊徑山

觀梅用前韻重賦五絕 以梅花的富季甲 直柔樞

密有詩三首謝次其韻 次韻胡汝明 吳涉 梅花下小

飲三首 汝明以詩謝餉菊二首次韻 二聖圖書

夢良以書獻吉夢戲作二絕 書懷三首 雪意

雪 雪中懷舊遊次友人韻 陪樞密官以遊

雲川中夢事呈三首 疊前韻三首 埔橋道

中 七夕 次韻德升七夕三首 次韻德升願軒

魚 魚爭 友人惠芍藥并芍梅一枝偶成三絕

以糟水灌芍藥戲題 謝人惠藕 山岩以寒歲子

詩子之首作篆書詞筆絕兼絕之出示求跋因題絕

句 跋子猷訪戴圖 跋陶淵明歸去來圖 吳道

子畫鬼 跋李伯時畫李立通隨虎圖三首 跋

黃魯直畫 畫竹三首 詠梅 木芍藥三首 賞芍藥

卷之三 跋 浣溪沙 少壯趨向翰同年龍速日出役

併製歌詞備觴卽席和韻三首 折衷情 友人生首 減字木蘭

小飲 贈妓 花 以形如初授官 西以月 正月十七日自色境徧遊歛點行山水

席上代監調和 并文慶字會 醉後陰 次卽師韻 瑞鸚鵡 七月日

上至庭錫登無事作 生辰 浪淘沙 十月十九夜賞菊 木蘭花 盧所生辰

意身 遊馬三首 三月十日 九日 九日用玉局韻作呈座

上諸公 九日黃剛定再索席向作 題吳山廬瑞禪院 自蘭陵歸

虞美之 酬衛仲弟見贈二首 臨以仙 上巳日遊海昌王氏園里吳宰傲及中散兄 燕諸郡使

朝尉呈補之託疾臥家 席上和 王中散兄及吳令三月和 章園賞瑞常三首 二月廿二日錦董閣賞夜詞

定風波 上 章少 復陳仲仲彦文燕駘駘情音

憶蓮花 三首 又喜前韻之首 和 王彥訪 同安人生日三首

漁家傲 初創真意亭於南溪遊涉晚歸作三首

江城子 和 無言常詞 暮山溪 送李彥時 穿天亭和朱刑

滿庭芳 任昉嘗為新安太守風流名迹圖經史牒具載感今懷

原跋三首 宋曉 王信 奏 宋左宣奉太夫頭模閣待制及仕贈特

進 謚文康葛公行狀

故左宣奉大夫顯謨閣待制贈特進葛以愷  
故左宣奉大夫顯謨閣待制贈特進葛以愷  
慶儀 終頤

丹陽集序

孔子之徒三千設四科列顏閔以下十人而文學政  
事雖游夏求由之賢不可得而兼也將相大臣端委  
一堂折衝萬里以身進退爲國輕重其視文章一小  
伎耳固無羨於空言儒學之士奮身事主以就功名  
時命大謬則退處一室著書立言張皇大中啓悟後  
覺雖不見於事業亦足以不朽矣二者不可得而兼  
亦其勢然歟左宣奉大夫顯謨閣待制丹陽葛公自  
髫年以奇童名里中年十六隨計詣京師連三薦至  
禮部遂收其科文節林公子中愛其文薦試學官公



以詩書禮三經應詔又試宏詞皆中第一於是名聲  
隱然動京師始去州縣更內外學官之選校中秘書  
入尚書爲郎當是時天子輯瑞應蒐講彌文報禮上  
下四方以符瑞來告者不可勝數大臣表賀皆出公  
手瓌竒英麗獨步一時公卿大夫交口譽歎謂公即  
日典司制命施之朝廷薦之郊廟以追湯盤周誥商  
詩魯頌之作稍遷太常少卿國子祭酒擢大司成遂  
躋法從會宰相新用事與公有連補郡去國公聰明  
疏達典數大州首除一二凶猾之亂治者寘之法然  
後簡節踈日以柔道理之而尤詳於折獄躬自臨聽

不以屬吏往往得其情於片言以故所蒞多平反無  
侵冤者燕山之役詔州縣率免夫錢而以乏軍興候  
官吏之不如詔者公時守湖度六縣民力所堪奏蠲  
其半湖人至今思之公施于政事又如此既沒有司  
議行易名以道德博聞曰文安樂撫民曰康公應二  
法謚曰文康政事文學可謂兼得之而卒不大用可  
爲天下惜者也公之子吏部侍郎立方哀公詩文八  
十卷號文康葛公丹陽集自天德地業五材萬物變  
化隱顯鉅細之要世治亂人賢不肖事之得失是非  
興壞之理盡載此書而尤喜爲詩喜怒哀窮泰憂悲愉

伏陵高眺遠飲酒歌呼雜然有觸於中則大篇長句  
援筆立成不改定一字非如前世之士以一能一技  
列於儒林者比也某與公同州里視公為前輩盛德  
而與公群從游最久故蓄公詩文為多按今所藏猶  
有在八十卷之外者侍郎公方紀次別集未出也殘  
年投老復睹鉅麗如獲拱寶三歎之餘乃序次以為  
公書首公諱勝仲字魯卿常州江陰縣人遺奏上贈  
特進云 孫覲

西甲八月初十日抄

丹陽集目錄卷一

劄子四首

表三十五首

卷二

表三十五首

卷三

書十五首

卷四

啓二十七首

卷五

目

啓四十六首

卷六 二十一首

啓十一首

策問十七首

卷七

論十四首

卷八

記四首

序五首

書後三首

卷九

頌四首

贊一首

跋二十首

卷十

疏四十八首

青詞七首

卷十一

文一首

祝文三十一首

上梁文六首

樂語一首

卷十二

墓誌銘四首

卷十三

墓誌銘七首

卷十四

墓誌銘十一首

卷十五

行狀二首

祭文十二首

卷十六

四言詩二首

五言古詩四十六首

卷十七

五言古詩四十八首

卷十八

七言古詩五十五首

卷十九

五言律詩五十一首

五言長律九首

卷六言詩六首

七言律詩三十一首

卷二十

七言律詩一百三十九首

卷二十一

七言律詩一百四首

七言長律一首

卷二十二

七言絕句一百六十首

卷二十三

詩餘六十二首

卷二十四

附錄



丹陽集卷一

劄子

進養士圖籍劄子

宋葛勝仲撰

臣竊以三代之盛班治顯設之方尤備於成周而周之隆教養作成之法獨推於文武文王之詩曰不顯亦臨無射亦保故其效至於多士以寧武王之詩曰豐水有芑武王豈不仕故其效至於無思不服雖聖人以神道設教其精神心術之妙不可推測意者殆將以作人顓俊為長久無窮之計非特用於一時以

康庶事而已。棫樸云：周王壽考，遐不作人。下武云：於萬斯年，不遐有佐。故子孫賴之，而國以長。楹嗚呼：盛哉！天佑斯文，越數千年而復生。上聖應世，覺民之迹。若合符節。惟皇帝陛下，以狗齊淵懿之資，履熙洽隆平之運。聖學高明，道心昭徹。燭見治本，在崇化厲。賢故自躬斷以來，首議學政，大開類雍於以育才。衆聯師儒而命之，以賓興攷勸之法，革科舉循沿之陋。陞進之令類，出於親製程試之文，每塵於乙覽，一歲餼廩無慮數百萬，別為一司，規畫均制，不取於縣官而坐。有餘資，且命諸道各設常產，以資永業。行之十有餘

年，典法大備，彬彬新美之才輩出，而晏晏忠厚之俗已成。雖詩歌文武之盛，無以進焉。既又命禮部以天下養士之額，舍宇之數，費用之多寡，田業之頃畝，載之圖籍，掌在有司。臣等恭承詔旨，討論編次，隨類編括。克有成書，取大觀二年歲終為率。既以逐州縣離為析數，又以天下合為總數。凡二十有四路，而中都兩學之費，不與焉。彼漢中世，增弟子員三千人，而唐太宗千一百區，載之史牒，已稱甚盛。顧視今日，何足道哉！所有天下養士圖籍，凡二十有五冊，謹隨狀上進。干冒宸宸，無任戰悸屏營之至。

乞以學書上御府并藏辟廱劄子

准大觀二年八月二十二日御筆禮部掌教養之事  
學之興內外協力今已就緒而養事之額舍宇之數  
費用之多寡田業之頃畝當職之圖籍掌在有司續  
准聖旨就差禮部長貳郎中編修并准朝旨以大觀  
二年歲終數月供具本部即不魯乞置專局糜費廩  
給緣大觀四年罷縣學并州縣小學給食及裁減學  
費舊所取會却非的數遂乞別會政和元年歲終數  
編纂未了間承去年五月十七日勅學校之令並依  
大觀三年四月以前指揮合依元指揮以大觀三年

歲終數編纂今已成書總天下二十四路教養大小  
學生以人計之凡一十六萬七千二百六十二學舍  
以楹計之凡九萬五千二百九十八學錢以緡計之  
歲所入凡三百五萬八千八百七十二所用凡二百  
六十七萬八千七百八十七學糧以斛計之歲所入  
凡六十四萬二千九十一所用凡三十三萬七千九  
百四十四學田以頃計之凡一十萬五千九百九十  
房廊以楹計之凡一十五萬五千四百五十四既已  
逐州縣離為析數又以天下合為總數凡二十有五  
冊而中都兩學之數不與焉恭惟陛下以有為之資

灼見治本不愛數百萬之費使隸學士之版者皆不家  
食所以加惠學者至深至厚又親洒宸翰製教養陞  
進之法逮今一紀人材作成典法大備調度有餘盡  
由朝廷興學之初經畫永久之計歲用不煩司農水  
衡而坐以瞻足故其數之盛如此蓋自虞帝兩庠文  
武東西辟廱以來未之有也顧視唐漢規摹陋狹志  
意蹇淺何足為盛時道臣等不勝大願伏乞以所編  
書依元詔書上于御府以其副藏辟廱并宣示史館  
使陛下甚盛德之舉詔億萬年垂示無極取進止

辭免太子右諭德劄子

臣伏觀御筆特除臣兼太子右諭德者蝼蟻疏賤之  
臣濫膺聖擢循循恐悸不知所出竊以有周盛時妙  
簡賢智之臣以陪輔世子使日聞正言躬履正道如  
召公史佚之倫乃得為之下至導諭之官蓋亦未嘗  
不艱其逸恭惟陛下盛德大業卓冠古初濬發明斷  
肇建儲位將以中春今日發冊路寢親御燕間推擇  
僚寮而臣闇劣亦叩頭中逸惟諭德之官諉屬攸重  
非天下端士博聞有道術者豈稱拔舉伏念臣學識  
行誼無以加人雖屢塵科選薦被使令而瑣碌瑣碌訖  
無銖髮之效今又超躡使贊德春闈雖仰戴君父生

成之恩而退自省量大懼上玷明公登透伏望聖慈  
特寢成命改授雋傑使朝廷無虛授之嫌微臣免幸  
進之誚豈勝大願重念臣官卑在法不當辭寵迫於  
私義不敢輒貪非據謹冒昧自列干瀆天聽臣無任  
隕越俟命之至

辭免大司成劄子

臣准東上閣門告報已降告命除臣試大司成者卑  
賤之臣驟膺親擢聞命震怖不知所為恭惟陛下大  
興庠序以興斯文聲教之遠外薄海表而成均辟靡  
之長寔總中外學政非宿德名儒豈稱任使伏念臣

孤愚一介經學淺薄徒知安分守義而行能器識無  
以逾人昨被選除再貳國子夙夜黽勉覲有毫髮之  
效而訖未有聞方懼曠官以奸罪戾敢謂天慈不遺  
微品特加因任就進從班雖曲澤所加在臣至為榮  
幸而公議可畏不敢輒冒非據之寵伏望睿明特行  
遷令追寢誤恩豈惟示名器之公亦以增學校之重  
所有告命臣未敢祇受干冒天威臣無任屏營俟命  
之至

表

賀皇帝元會御大慶殿表

歲統開端夙設九賓之會人正謹始還來四海之圖  
受福無疆惟皇作極中賀恭惟皇帝陛下推仁濟衆  
體道御時顯勲績則殆姚姒之所無關土疆則皆漢  
唐之未復車惟同軌瑞必應圖築黃金之臺憂已消  
於北顧鏤白玉之牒禮方議於東巡屬三始之肇更  
宜百祥之交擁臣叨膺銅虎之寄阻望雲龍之廷稱  
萬歲之觴莫陪飲柏率百獸之舞但切傾葵

賀太上皇表

聖謨獨斷神器傳歸緜宗社於無疆浹人神而胥慶  
恭惟道君皇帝陛下躋時嘉靖體道希微唐堯聞康

衢之謠有熊喜大庭之館謂青宮之預建顧黃屋以  
何心爰降冊書俾嗣歷服巍巍蕩蕩難名不宰之功  
繼繼繩繩永享無為之樂臣出尸祠館阻造朝班無任

賀孝慈淵聖皇帝登寶位表

祇遵聖詔光紹皇圖歷數在躬華夷交戴中賀恭惟  
皇帝陛下睿哲天縱欽明日躋主鬯十年懋毓震闡  
之德牧畿千里益宅寰宇之心駿命所歸神器允屬  
臣夙有厚幸蚤依末光奉匱以升寶相阼階之冠建  
儲之始首叨潛府之僚方茲聖作之初阻預班朝之  
列無任

賀今上皇帝登寶位表

期安國步提億萬之全師遂享天心正九五之尊位  
黔黎有託社稷載安中賀竊以祖宗德澤在人國家  
鼎祚方永穹居叛渙神器震搖天純祐於我邦時篤  
生於真主恭惟皇帝陛下欽聰若古勇智在躬稟上  
聖之姿當中興之運慷慨奮發既宅四海之心委曲  
全安益驗三神之助欽承初載溥協歡心而臣久冒  
寵榮粗有知識體元居正既欣歷服之有歸戡亂定  
傾更識泰平之可待無任

賀冊元符太后表

縟禮上儀肇舉宮闈之慶歡聲和氣鏘洋寰宇之傳  
家國同休人天咸喜中賀恭惟皇帝陛下慕武王之  
繼志同季歷之因心深惟寶祚之君臨實自先朝而  
弟及顧討託之恩無以報則友恭之義致其隆內則  
睦族而斯變於時雍外則繼猷而力回於國是矧翼  
室受遺之際賴椒房贊策之功屬憲府之建明諉禮  
官而訂審肆頒孚號申進顯名懿範徽音益播管彤  
之美仁風孝治遠形華裔之瞻臣無任

賀立皇后表

帝度其心寅念人倫之本天作之合肆登邦媛之良

化肇六宮歡騰萬宇中賀恭惟皇帝陛下唐虞明德  
夏子丕圖謂二南為王化之基而五教乃天叙之典  
爰諏穀旦大正長秋彤管垂休將輔成於陰教慈闈  
致養見永嗣於徽音臣服職祠庭庇身藪澤欣聞椒  
掖之孚號阻造楓宸而奉觴無任

代慰欽成太皇后祔廟表

寢園復土祇遵三月之期廟室寧神甫畢九虞之禮  
威靈燕預遐爾盡傷恭惟皇帝陛下義極慎終孝深  
錫類篤叙乃父顧元豐宮掖之賢則友其兄念永泰  
女儀之重追崇特異躋祔有嚴雖紫庭永隔於音徽

而清廟肅承於灌獻願寬惻怛少副瞻馳

代慰欽聖太后祔廟表

役回六遂悵復土於喬陵祭訖九虞肅躋神于清廟  
光靈盼嚮遐爾盡傷恭以欽聖憲肅太后配德皇英  
軼功莘摯決定大策援聖人于南面之尊退避寶圖  
復明辟於東朝之養歛上賓於仙闕俄陞祔于秘宮  
恭惟皇帝陛下翼翼文心烝烝舜慕悼椒塗之長逝  
奉桑主以致虔夢若平生時起悲於脂澤游於複道  
將永奉於衣冠

願副瞻馳少寬悲惻



德音永閔徂運載周聖孝哀恫輿情蘊結恭以欽聖  
太后道光周母聲掩虞嬪遭時危疑獨定大策躋民  
嘉靖遽復繁機豈徒修陰教於壺闈固已懋豐功於  
宗社流芳彤管將永播於億年脫迹紫庭歛甫更於  
暮歲恭惟皇帝陛下堯仁因性舜慕以身疾方抱於  
嬛嬛孝日隆于業業願寬哀念式副禮經

代慰欽慈太皇后祔廟表

隆名懿冊追賁泉途縟禮盛儀祔陞宗祏悲纏當宇  
感劇寰區恭以欽慈太后鐘慶高閎流芳彤管夙効捫  
天之兆果臻夢日之祥正位東朝莫逮含飴之樂躋  
神太室空餘撫鏡之悲恭惟皇帝陛下政用湯中道  
隆舜孝昊天罔極願少抑於悲推春露既濡將永親  
於灌獻

徽宗皇帝顯肅皇后懿節皇后梓宮還闕表

龍輻返國蜃紼戒塗儼七萃以護行森百靈而警侍  
照臨所逮哀慕攸同恭惟皇帝陛下舜孝日嚴堯仁  
天覆昨奉兩宮之諱躬服三年之喪日斷殯宮日動  
羨墻之念誠通宵夢每興奩鑑之悲由聖孝之感通  
致殊鄰之悔禍飭使旃而遐衛奉題湊以言旋粵惟  
中壺之喪亦見素輿之至列城沃醑行路涕洟匱易

四重已極慎終之禮役興六遂行遵復土之期願少  
抑於哀恫庶永安於愛戴

慰隆祐皇太后上仙表

變起慈闈悲纏寰宇恭以大行隆祐皇太后慶鍾沙  
麓德懋管彤頃災運之中微克保基圖之固暨逆臣  
之倣擾再扶宗社之安方南土之回鑿奄東朝之告  
侵恭惟皇帝陛下道光帝績孝篤母儀長樂問安極  
三牲而致養恭陵復土儼六遂以在行願寬罔極之  
哀式副有生之託

慰懿節皇上僊表

椒風告侵薤露興哀慟發六宮悲纏九土竊以大行  
皇后上天作合初載來嬪躬卷耳之憂勤服葛覃之  
節儉方專彤管之美遽陟白雲之鄉恭惟皇帝陛下  
治內而厚人倫追遠以基王化雖禕衣重翟永闕於  
中宮而暉主黼筵將祠于別廟願抑聖情之悲悼式  
副寰宇之瞻依

代慰聖瑞太妃薨表

柔儀長謝卹典致隆凡在疇臨伏深悲怛恭惟皇帝  
陛下化先治內禮極慎終自仁率親上動元豐之感  
因心則反更懷紹聖之傷追惟宮掖之賢曲軫宸闈

之念哀榮特異升賁用光孚號大庭俾聯華於二后  
寧神寶刹將禱告於諸陵願少抑於恫傷庶永安於  
瞻戴

賀正旦表二道首

年統載新禮重三朝之會陽功大湊氣滋萬寶之昌  
自天降康惟聖時克中賀恭惟皇帝陛下宅中圖大  
居正體元靈承帝以寅恭茂對時而化育方且錫符  
而有美蓋將嗣歲於無窮齊七政於璣衡纏離攸叙  
受四方之圖籍蠻貊來同屬治象之載頌宜神休之  
滋至臣等叨恩服采顙衆造庭保合太和幸親逢於

華旦緝熙純嘏蘄永佑於丕圖

三朝肇祚之辰乾坤交泰萬國貢珍之會圖籍來同  
受福無疆惟聖時克中賀恭惟皇帝陛下御時以道

敕命惟幾如日之升見文王之所以聖惟天為大同  
堯帝之無能名推餘緒而運化於陶鈞撫亨嘉而躋  
民於仁壽矢其文德絕域皆徠告厥成功珍符紹至  
惟繁禧之所介協嗣歲以俱新歷受人時灑頌治象  
惟皇作極大居正以體元與物皆昌首施仁而發政  
臣等蒙休盛旦代匱正司西陸發春喜迪泰元之吉  
南山薦壽仰蕪時萬之祥

天申節賀表

衆非<sup>后</sup>何戴欣逢震夙之辰邦永孚于休適配長羸之  
月自天申命溥海均歡恭惟皇帝陛下疊疊文勤孳  
孳舜善亶聰明而紹前烈寶慈儉而懷永圖躬五載  
之焦勞已開興運介萬年之逸樂益擁殊祥臣限守  
虎符阻趨鵷列無任

賀明堂大禮表

大禮必簡誠對越於三神至仁無親澤均敷於萬寓  
溥霑惠術交協歡心中賀竊以祭數則煩在竭誠而  
報本禮時為大必稱事以從宜尊天地以合祠陟祖

宗而並侑意孚明察制備情文恭惟皇帝陛下德懋  
日躋政修時邁已即圓丘而必祀未登陽館以宗祈  
甫臨三歲之期遂度九筵之邃執瓚裸鬯遣宗英而  
嚴九廟之儀搢圭薦嘉被袞冕而極二儀之奉前期  
誕告先甲齋居列席尹以駿奔亘百神而咸秩祝嘏  
告虔於吉土輝胞俱被於湛恩臣早預從班晚分郡  
寄兼總條貫無因奉倪寬萬壽之觴宣布詔書尚能  
作王褒四子之頌

天寧節賀表

辰集木津實肇出寧之旦歲臨單闕欣逢載震之期

中外稱觴邇遐拱極恭惟皇帝陛下實天元子為世  
道君孝德著而九廟居歆祀事明而三神歡喜威能  
遠暢既收舊壤以來歸聖不自居方却尊名而弗  
受福祥時萬憲度日新斗適次於房心壽必齊於  
箕翼臣逃違宸陛外剖郡符聽望嶽之三呼阻造  
鵷鷺之列賡繼天之一曲第傾螻蟻之誠

天寧節進銀絹表

皇威遠暢坐收闢國之功壽節載臨遙祝後天之筭  
共致藩方之貢交修庭實之儀山阜之珍纖維所出  
仰裨九賦少將臣子之恭虔請萬年永保人天之慶

天寧節進折銀錢表

外撫侯封猥荷分符之寵前臨誕節聿修任土之恭  
祇率鍾官式遵幣貢塵三錢之府深慙不腆之儀稱  
萬壽之觴遙致無疆之祝

進奉天寧節功德疏謝書表

殊庭三祝虔致悃誠細札十行誤膺褒詔齋心展誦  
舞手懽呼中謝恭惟皇帝陛下兆有作之聖神嗣無  
疆之歷服按六經而較德懼四裔而抗稜載遇誕辰  
實天人之交慶仰祈道蔭乃臣子之當然敢意慈憐  
申加慰藉永惟丕享之義誓罄不移之心

賀燕樂表

名與功偕肇建盛王之樂政由俗革適新治世之音  
閱視燕朝頌傳寰宇既備乃奏永觀厥成竊以原樂  
之初聲相應故生變語形而上道可載而與俱厥惟  
聖明乃議述作禹取身而為度夔制律以和聲雖諧  
鈞已格於三神而燕樂尚循於五季爰稽中正盡革  
哇淫增徵角之招而七律始全陳土石之器而八音  
初備有始翕從純之美無細抑大陵之傷蓋和聲既  
滌於姦聲則今樂遂同於古樂恭惟皇帝陛下道超  
器數治極盈成察蘇於清濁之間象事以始終之序

曰惟嘉饗深厭溺音立度出均始達神明之德登歌  
下管遂同天地之和順氣應之治道備矣臣等無裨  
政化猥預榮懷為韶九成聽鏗鏘而而竊嘆大食三  
宥願保用於無窮

賀日戴承氣表二首

化牟乾運洪恩丕冒於邇遐祥開日華瑞氣並生于  
上下光騰羣目慶浹輿情竊以行上道以揚暉宗衆  
陽而循度旁出纓珥皆兆福祥見於戴者為國有喜  
之占名以承者示臣奉君之慶乃底日之官程奏與  
說天之志協符陽春方中晷景正午躔茲並應實表

多祥恭惟皇帝陛下盛德昭升至仁光被無思不服  
人文已應於豐亨將受厥明天瑞遂形於晉書臣等  
具叨眷獎莫效燮調政察察璿璣奚測彌綸之妙氣調  
玉燭徒深抃蹈之誠

帝德誕孚仰格景炎之應天休滋至繼騰瑞氣之華  
殊祥相望於後先美證交輝于上下清臺禊候寰宇均  
歡竊以天惟陰隲而降監孔昭日乃陽宗而象類可  
考堯命四時之官而謹賓餞周以十輝之法而辨吉  
祥曰戴曰承曠千齡而莫睹乃神乃聖遂彌月而再  
瞻蓋一德新而又新則諸福至而復至

賀日蝕不及分表

官占前告知交數之當虧聖德上昭致蝕分之不及

照臨所逮距躍惟均中賀竊以躔度相循實應大餘

之數陰陽有青乃侵內壤之光惟精意之潛孚則沴  
氣之遽弭保章辨吉眊視觀祥有感必通蓋欽若寅  
賓之證方交俄吐示及遲蝕寡之符恭惟皇帝陛下  
道與豐亨德參離照雖運彌綸之妙用不忘寅畏之  
小心天且弗違人其皆仰臣等謬膺眷獎服在躬誥  
修六職以導和仰繫庇冒率四方而來賀但切懼呼  
賀日蝕陰雲不見表

日當合朔前知薄蝕之期雲起崇朝潛護照臨之體  
坐銷沴氣溥合歡心中賀竊以陰陽不免於交侵日  
月有時而同道蓋盈虛之定數在分至以非災繫聖  
德之召和致天心之助順雲特瞻於游宇辰自應於  
集房恭惟皇帝陛下秉總泰元均調冲氣思其艱而  
制治正厥事以承休雖歷步日微莫逃常度而德孚  
陽感自隔妖氛臣等積在慈憐敷同慶賴抑陰用社  
既虛十輝之占籲衆造庭願上萬年之壽

賀慶雲表

氣襲一陽方誕膺於神貺雲舒五彩復昭示於天休

登臺以書擊壤咸喜中賀竊以黃帝有華蓋之瑞因  
以紀官漢皇祀汾陰而歸嘗聞覆鼎載諸往謀已號  
殊祥矧當至日之漸長方即路朝而展采儼九賓而  
就列鏘六玉以道和紛郁呈祥輪囷曜色盪紫霄之  
氛侵映黃道以昭回於誓盛德之符茲謂太平之應  
恭惟皇帝陛下欽聰稽古寅畏身天僕景命於無疆  
告成功於不宰克開厥事秘文兆見於堯天恭受于  
庭卿霽復光於舜日臣等備叨殊獎獲相上儀若烟  
非烟幸親瞻於瑞蔭既旦復旦願永播於睿歌

賀收復湟州表



爰整其旅起舊將以徂征克成厥功恢故疆而盡復  
捷音來上歡頌遠傳中賀竊惟湟水之封陟實邇橫  
山之走集地形控阨天聚富繁歸我版圖昔有招攜  
之效弛其檻縶誰為縱敵之謀屬聖武之紹興幹神  
機而獨運星文助順軍氣益張匪安匪舒遂有來鋪  
之效是致是附坐收無侮之功恭惟皇帝陛下遙求  
厥寧載用有嗣赫赫業業而天威遠愴烝烝皇皇而  
兵勢具嚴憬彼邈川故無勞於折箠蠢茲偽夏行亦  
見於消烽

賀收復燕山府表

取亂侮亡曾未施於三箭向風慕義遽求効於九州  
惇黎輸款塞之誠渠帥有倒戈之請事光博史慶溢  
繇區中賀惟幽薊之封疆本華夏之土宇粵從東晉  
感版圖始垂二百年擅數千里凡謀國之士議弗敢  
及致在天之聖志未克伸惡稔罪盈衆怨神怒寇戒  
越在草莽師衆日尋干戈仰怖德威如洪爐之燎毛  
髮蘄霑聖澤若大旱之望雲霓遂掃境以來庭同叫  
閭而請命恭惟皇帝陛下神武不殺睿智有臨救民  
水火之中玩敵股掌之上全付所覆仰承穹昊之休  
適觀厥成大洒祖宗之憤舊壤再歸於中土經躔遂

備於周星成茲不世之功盡出非常之斷臣叨膺郡  
綬阻獻壽觴撫鳴劍而馳伊吾徒深贊喜登泰山而  
建顯號行慶升中

賀涇州芝草表

青唐慕化籍疆土以咸歸朱草薦珍走驛郵而來獻  
凡依怙冒交劇歡呼竊以齋房之詩徒著九莖之異  
瀛洲所產第存三秀之名彼固惟推為盛時亦復號  
稱華觀蓋未有叢生千葉遠叩九閭截然新附之邦  
卓爾無前之瑞揚華菌蠢託質堅剛介夷貊以繇傳  
曠古今而創見此蓋伏遇皇帝陛下化由神運道與

時行默調撫於五展遂昭蘇於象彙張咸池之樂以  
流於協氣定郊廓之鼎以召於嘉祥因積人和且膺  
帝祉崇諸圖牒共欣蔓蔓之形播以聲歌永配巍巍  
之治臣等生逢昭代獲覩上儀敢同來賀之四方共  
祝無疆之萬壽

賀瑞石表二首

臣某等言伏覩河東轉運司進瑞石一據待詔封士  
寧狀稱磨礪已凹尚見天正堯瑞字并御筆驗到詣  
實與元圭同宣示百官者告厥成功申錫久淪之至  
寶震于珍物是與前告之殊祥<sub>質</sub>盾雖玉石之殊意若

節符之合中賀竊以禹底濬川之績堯受延喜之圭  
雖孚尹尺二寸以標竒然湮沒三千年而莫覩天將  
授聖理欲斷疑爰出秘文以彰休應得自樊山之壤  
又為汾水之都究點畫則本于自然考符瑞則昔所  
未有披圖輝耀豈同鳳羽之成文結體瓌竒恍若龜  
書之再出屢磨礪而不泐將藏秘于無窮恭惟皇帝  
陛下仁以則天智惟稽古孝悌而致萬邦之協欽明  
而臻庶績之熙治既比隆福因緣類皆不求而自至  
蓋合異以為同臣等叨預近司親陪昌運地不愛其  
寶幸獲觀瞻邦永孚于休惟深呼舞

圭呈元色將昭受于大庭石出秘文預協符于上瑞  
四方同賀百辟聳觀中賀竊以龍甲浮河伏羲因而  
畫八卦龜書出洛箕子所以演九疇厥惟自然之文  
每出大明之世不求而至獲于汾晉之都載考其繇  
欲正陶唐之瑞緘滕來上磨礪愈明究字畫則非筆  
墨之能工語休梯詳則寔圖謀所未有闡神明之奧蹟  
昨歷服之綿長道之將興國以長楸恭惟皇帝陛下  
則天覆燾如日照臨克明俊德而仁厚于惇宗不廢  
窮人而政修于無告巍巍之功既就赫赫之應遂昭  
臣等叨預近司預觀懿鑠何知帝力載賡野老之謠

請壽聖人更類華封之祝

賀水晶大花金碼碯興發表

天人精祲有感斯通山澤韞藏不求自至三邦程奏  
萬宇均歡竊以貴異物非聖哲之本心致大利乃帝  
王之盛節益仰膺於天祐必並顯於坤珍壤帶洛師  
發千年之水玉江連邕管粲萬鎰之精鏐顧惟寶石  
之英舊產大荒之遠乃於近甸併效殊祥恭惟皇帝  
陛下撫大競之時擅無倫之富政事修而錢流於地  
上年穀熟而粟腐於關中民各厚生地豈愛寶惟茲  
三幣並出一時掌在升人不假地圖之授藏之玉府

永為邦賄之良臣等猥被眷求親陪熙泰治道備矣  
何施寅亮之功寶藏興焉幸預榮懷之慶

進奉生擒睦賊渠魁馬謝詔書表

師行左實旋掃逋誅貢効右牽蓋伸常禮顧煩神指  
曲降璽書誦讀知榮捧承失據中謝伏念臣守近服  
屬討兇渠方鞠旅於前茅曾乏先登之助暨致刑於  
獨柳徒將曲踴之誠弗悟溫言特光孤跡此蓋伏遇  
皇帝陛下宅師嘉靖基命溥將有此武功既宣威於  
暴亂矢其文德更加惠於臣鄰雖處外而亦臨俾增  
重於所泣道三二帝幸親遇於昌期文七六經永襲

藏於部室

謝叔復燕雲進馬賜詔書表

復境金臺師既殊於左次稱傷玉殿貢輒效於右牽  
敢意思綸俯光衡宇中謝恭惟皇帝陛下智勇天錫  
狗睿生知稽古則斷自唐堯以來治外則雜用采薇  
而下爰修羽干舞同乎舜功之巍巍不遺蟻蝨之臣  
賜以周書之噩噩深惟榮遇實賁餘年願加拾襲之  
藏更殞百身之報

丹陽集卷二

表

謝特賜謚先考清孝表

宋葛勝仲撰

鄉書程奏仰蘄揚善之公廷議具孚特被易名之寵  
恩光下逮感涕無從中謝竊以名者實之賓必考一  
時之德謚者行之迹永垂萬世之傳禮欲示于勸賢  
義特嚴於節惠魯無駭則生有正卿之貴衛公叔則  
請於將葬之時若乃爵未及而特崇窆已久而追命  
自非絕德曷勝殊榮仰惟先臣夙有卓行飲水自勵

清每畏于人知負米服勤孝寔由于天稟十年辭祿  
而養志一介不取以律貪蹈曾閔之所難扳夷齊為  
可慕善每為而最樂徒信所聞道雖闇而日章其傳  
自遠敢圖二美上達四聰畧省戶之參稽置禮官之  
訂議特旌潛德俾受大名此蓋伏遇皇帝陛下公聽  
並觀兼容泛愛同帝堯之稽衆法湯后之立賢不吝  
飾終特甄收于片善未嘗忘遠曲崇獎于下臣爰需  
恩綸來光泉壤殞百身而莫贖永悼循陔想九原之  
有知尚期結草

謝隆詔不允乞外任表

教而知困竊幸退藏道以觀能尚寬澄汰親奉德音  
之獎勵繼膺溫詔之撫存宜去而留以榮為懼中謝  
伏念臣蚤蒙擢序馴致高華聯禁塗供奉之班躡黷  
舍師儒之長冒居厥次未報隆恩輒乞其身實緣私  
義蓋明倫善俗之時希遇則育材成德之任至難無  
作人之助則為曠官無授業之長則徒廢學如臣愚  
陋涉世闊疎可謂人師雅無重望於斯碌碌屢荷容  
容徧塵胄子之官久妨賢者之路鼯鼠窮於五技難  
復進為鷦鷯巢於一枝庶安拙守故因次對自勉治  
民敢意包荒尚容游食獎以評文之當責之振職之

稱既蒙踰袞之褒復荷出綸之渥大哉之言誕播蕞  
爾之跡有光此蓋伏遇皇帝陛下豐照直中乾剛獨  
運懋昭大德適求多士之寧灼見俊心深識百辟之  
享肆憐平進更責後圖誓殫分教之勤少報兼容之  
施

休寧知縣謝上表

躡廁儀曹媿匪小材之累日除還銓部猶叨大邑以  
庇身荷恩難名報德無所中謝伏念臣人門俱下任  
學並輕雖偶竊於科名本自甘於州縣識拔誤除于  
師席編摩進直於書林佐貳宗英預掌銀潢之津派

登延冊府獲窺金匱之圖書每自疚於超踰豈復晞  
於擢序久尸官於省戶曾乏建明屬議禮於宗祊遂  
成瘵曠蠹何施於測海蚊果困於負山特煩簡札之  
嚴上瀆冕旒之邃止從澄汰寔戴矜容此蓋伏遇皇  
帝陛下堯釐百工舜明庶物黜陟必先於考績賢愚  
咸使之襲情若時無庸固有攸處臣敢不承流宣化  
勉報政於三年念咎省愆誓輸忠於九死

大司成謝上表

入持禁橐已媿超遷進長經鬻更叨因任循涯虛受  
程奏懇辭膺詔旨之弗俞錫服章而加責亦既就職

深虞累恩中謝伏以蕪三代之學以明人倫同四海  
之風而暨聲教大申孝弟之義交獻賢能之書歷年  
滋多明效灼見小子有造預鼓篋者千人海邦率從  
來執經者萬里惟時教法特軫淵衷責古人大全則  
薦降德音示聖經奧旨則親為訓傳蓋躬教立道之  
君處上則育材首善之臣至難方廣詢求以專屬任  
而臣學非得已才不加人行誼不足為世之範模文  
恭不能作經之鼓吹偶自朝廷興學之始首叨方郡  
分教之官玷禮曹郎屬者四年預胄席師儒者三等  
所能何有每遷益高雖賓賢養士之規模粗知本末

願成德達材之績効茂有毫釐不悟異恩就躋邇列  
此蓋伏遇皇帝陛下誕敷文德適圖康功久於道而  
化成不忘樂育主其心而慎治更務能官察臣所守  
之靡他貸臣已試之無驗猥加曲澤使勉後圖誓畢  
微生仰酌洪造

謝江州太平觀表

躋榮命教濫居學省之華負罪投閑尚竊祠宮之適  
寬恩下逮感涕橫流中謝伏念臣學術空疎性資愚  
拙本為貧而干澤寢席寵以逢時俾游英俊之躔盡  
出聖神之造班陪從橐秩冠儒宮願惟何人輒膺是



選果緣冒處遂致疾顛仰繫亭毒之私猶頒餼廩之厚此蓋伏遇皇帝陛下德侔天大恩均父慈擴仁恕以并容亶聰明而臨照深閔向隅之戚特從祀網之寬退居寂寞之濱得從優逸上荅生成之賜更誓糜捐

謝復右文殿脩撰表

殊庭游食深幸安全秘府疏榮特從甄序隆恩下逮感涕橫流中謝伏念臣學不造於道真材不周於世用自奮寒苦三收詞藝之科寢冒寵嘉四躡師儒之等欽承綸綍俾長膠庠退量羊質而虎皮何補鳶飛

而魚躍駢麟但期於報國顛愚寔昧於周身惟行法已拂於人情而處事每違於時論怨仇交積釁咎易乘猥自劾歸親乘訓獎慰留之詔始下搏擊之疏繼聞凡可排根而中傷無不崇飾而誣讒莠言甚巧惑投杼於三人幽結莫申類降霜於五月賴乾坤亭育之施察風波險陷之危曲示優容止投閑左微生易殞聖造難酬旋聞邦誣靡逃天鑒阿比附會著在德音放逐流離屏之荒服臣之所坐豈假自明遂令流落之餘曲被便蕃之澤稍賁集賢之職漸刊司敗之書此益伏遇皇帝陛下覆露萬邦旃幪庶尹風揮日

舒而專斷雲行雨施以均慈蹈舜之文哲而審官體  
湯之寬仁而宥過肆令浮賤不遂棄捐恩已重於邱  
山寔踰始望身未填於溝壑誓竭孤忠

汝州到任謝表

序道山之祕職已荷疏榮殿陸海之名邦更蒙起廢  
苦心易感危涕自零中謝伏念臣器職無以加入學  
問本期治已會睿神之博採旅俊哲以同升徧歷清  
塗皆非素望直棧傳廐雖知戒于回邪方穿軍車顧  
每難于諧合昨承人乏進長國庠雲漢為章于天何  
裨化養日月有明必照獨荷矜全數侍清閒薦膺訓

獎維時邦灼方擅臺評凡可傾躋而中傷無不誕慢  
而崇飾倘非洪造豈有餘年矧退黜僅及再周而恩  
渥已更三至既察采苓之罔遂叨剖竹之榮濱九死  
而復生殞百身而曷報此蓋伏遇皇帝陛下宏規籲  
俊大德容愚潢然兼覆之恩仁為己任展也大成之  
業善與人同故雖無庸不使終否臣敢不益殫夙夜  
之力少紓宵旰之勤懲沸羹而吹虿更防後患羨淵  
魚而結網勉企前修

謝改寶豐縣名表

建節近藩已旌地寶錫名支邑更荷天慈閭井祇歡

山河增重中謝竊惟汝郡密拱神臯鬱葱之佳氣旁  
連汪濊之湛恩光被是興寶藏以表珍符沓來非人  
底貢玉府夤緣蕞爾之境申錫美哉之稱此蓋伏遇  
皇帝陛下富擅無倫化行有截爰正名於百物以彰  
信於兆民旬服用光信書惟永臣謬膺優寄躬被德  
音言順事成實佩褒康之寵政平訟理益圖報塞之方

為輒奏儀曹馬俊公事放罪謝表

讞獄非疑自奸罪譴疏恩過厚特飭憲章荷德自天  
措躬無地中謝伏念臣中緣擢序外預使令兢兢詔  
令之遵齷齷簡書之畏謂獄者天下大命而刑本君

子盡心寧失不經上體好生之德何度非及顧無閱  
實之良輕黷九重特寬三尺此蓋伏遇皇帝陛下斤  
斤之明進日恢恢之網如天知非法吏之深文爰貸  
守臣之妄發臣敢不知逃簿責益務簡乎觀過知仁  
幸不書於一青咸中有慶庶圖報於萬分

謝除顯謨閣待制表

竄名簡札久奸刑吏之誅寓直圖書忽玷侍臣之選  
驚魂返幹感涕交頤中謝伏念臣於世無庸以身得  
察不繇援助徧歷高華自信直前未免木鴈之累周  
防慮害又乏著龜之明遂招貝錦之言上瀆細糴之

聽仰承辨究曲賜保全起之祠宮付以民社義命大  
戒方勵志以力行富貴危機實無心於饜取矧惟伯  
氏獲綴近班甫依日月之光遽淪霜露之疾顧滿盈  
之招損復愴盡之傷生方圖幽屏於衡門敢意寵登  
於巖閣此盖伏遇皇帝陛下在帝陟降憲天聰明體  
堯之大以容愚用舜之中而忘過念茲簪履之舊援  
之溝瀆之中臣敢不黽俛事勞緝熙問學命輕於羽期  
狗道以忘身誓有如江願輸忠而報國

湖州謝到任表

服勞盡瘁敢擇地以求安積釁挺災輒籲天而瀝懇

豈圖名郡驟假畸人中謝伏念臣龍馘無庸骭髀難  
合入塵禁近深慚乍佞而乍賢出預承宣惟知畏首  
而畏尾迫于多瘠尚爾自營荷臨照之末光遂寬閑  
之素志惟茗雪之勝壤號吳越之樂郊杜牧之三啓  
請行王逸少二代繼守豈期泛宅之地乃獲專城之  
居此盖伏遇皇帝陛下體文王之淵懿以官人蹈虞  
舜之聰明而臨下畀矜無告特為相攸仰稱慈憐誓  
當勤策挈紫荷橐徒夢想于清都坐白蘋洲幸日陶  
于化國

鄧州謝上表

危誠自列本緣三互之嫌洪造曲從改涖一麾之寄  
奔走奉職經營戴恩中謝伏念臣早幸逢辰過叨序  
爵容臺蒞禮往來數預于討論教府育材伯季迭居  
于長貳寔備聞于德意敢中畫于初心旋以拙疎久  
坐流落既不肯逐巧點妍而射利又不能變節易操  
以隨時歲籥七更徒或夢遊于帝所國門三過何階  
入覲于天儀進無扳聯之因退守靖共之素惟茲楚  
境蓋昔鄧墟令臣領之為幸多矣此蓋恭遇皇帝陛  
下蹈虞舜孳孳之善廓武王斤斤之明攬治具而畢  
張鑿人材而翕受少原之簪惟舊未忍弃遺豐城之  
劍可求聊加收拭臣敢不布龐洪之惠澤佩煩悉之  
訓詞為國矢謀雖身遠嚴徐之列與民興利尚志晞  
召杜之風

再任湖州謝表

復舊歷之近班已叨式序付嘗為之便郡更荷就除  
不涉道塗即交印綬中謝伏念臣任過其量德慙於  
榮內之代置於京師徧陪禮樂學校之寄外之服勞  
於郡縣備諳簿書獄市之煩自黷真祠屢更嗣歲敢  
圖起廢復玷承流今所領州昔嘗任事法令具在誰  
言厦屋之幘幪民俗可知妄指甘棠之蔽芾今茲罷

使實累詔除而臣益老無堪積憂多畏動而輒礙豈能游刃以解牛去已復來徒類下車而搏虎此蓋伏遇皇帝陛下運天德以君世續帝緒以膺期體道時巡擇賢共治特加申命更勉後圖惟自誓於糜捐庶少寬於憂顧馳宋丹轂敢從事於燕游探赤白囊第謹修於備禦

謝除顯謨閣待制表

奉混元香火之祠獲從安便直永裕圖書之閣復玷高華方課職以投閑顧冒恩而席寵辭不獲命惧何以堪中謝伏念臣江海腐儒布韋冷族以身自勵妄

期兄弟於古人賦命多竒動輒參辰於時態昨膺申命來撫舊封當帑庾空匱之時適衣冠流寓之衆長鞭不及馬腹寧免多仇割鷄焉用牛刀敢言易治拙疎若此汰免是宜敢期肆青之隆寬不以曠官而賜隔還青氊之舊物綴紫橐之清班此益伏遇皇帝陛下時邁其邦日新厥德攬智瘝而兼用作威福以並行蕩蕩巍巍每擴堯天之覆左左右右特從湯網之寬臣敢不知幸之不可常念德之宜有報益堅素守更勉後圖

謝賜歷日表五首

仰求天步運太極之三辰俯授人時協洪範之五紀  
祇膺詔旨灼見聖心中謝伏以考中星之合見而生  
昏明課九道之發斂而定冬夏積大餘小餘而綜數  
辯陽歷陰歷以求端雖云觀象之常未若紀元之密  
開綴文之局而演議推立極之日以為元鑿井耕田  
共職作訛之候連珠合璧間無杪忽之差恭惟皇帝  
陛下化妙範圍仁深覆育循堯之道以閏月而定四  
時用夏之正坐明堂而朝羣后臣出守支郡辱賜新  
書豈徒尊閣以知榮敢不奉承而加畏  
協用五紀久執其中猷告多方不匿厥旨仰推天步

俯授人時中謝竊以設南正北正之官實繫順帝辨  
西陸東陸之候所以序年惟章分部元之不差則析  
因夷隩之攸叙厥惟舉正乃克求端恭惟皇帝陛下  
官天地以範圍歷日月而迎送清臺雜候既謹於疇  
人陽館誕頌每先於嗣歲惟聖時憲以初為常臣謬  
廁承流寵膺錫本昔嘗厄職慙無綜數之能今幸牧  
民願廣正時之惠  
協用五紀底日而無失日之差允釐百工後天而有  
奉天之謹中謝竊以帝嚳序星辰而著衆唐堯欽歷  
象以授人厥惟盛明必精推步顧紀元之行數本基

命以求端閏餘靡乖宿離皆正恭惟皇帝陛下恩函  
品庶道格昊穹坐行政之堂定四時而成歲頒在躬  
之歷歛五福以錫民臣敢不祇奉璽書寅遵神筭昔  
緣推澤嘗預於討論今冒承宣敢忘於尊閣

發政施仁誕布自天之詔歸除舉正特頒底日之書  
職在承宣敢稽播告

中謝竊以南正北正以司天地

羲仲和仲以理陰陽惟分至啓閉之預知則風雨晦  
明之可候肆於獻歲之始大宣告命之文恭惟皇帝  
陛下寅奉夏正率循堯道面稽天若欽授人時俯察  
仰觀千歲之日可致下蟠上際萬物之生得宜夙推

步於清臺繼頒宣於方郡志以定言行以出令拜賜  
札以璽書祇膺周誥奉萬年之神歷允協夏正上體  
求端敢忘承式

發春獻歲誕臨行政之堂舉正履端昭示在躬之歷  
凡叨寵錫悉被恩榮

中謝伏以鳳鳥呈祥定分至啓

閉之候莫莢紀瑞辨作訛成易之方起消息而正閏  
餘分辰野而步躔次五者來備各以序萬物之生得  
其宜蓋惟保乾道之和乃能致帝者之用恭惟皇帝  
陛下紹隆景命光宅丕圖調玉燭而和四時在璇璣  
而齊七政連環合璧仰無杪忽之差轉扇飛灰俯有



桴鼓之應肆頌告朔爰及守臣臣敢不虔稟聖謨率  
循彛憲焉知天道昔嘗預於討論不違農時命第嚴  
於遵奉

代皇子辭官表

仙源襲慶曾微橫草之勞睿檢疏榮遽被苴茅之寵  
輒輸危悃仰冒隆威伏念臣姿實滯冥質非岐嶷本  
支錫羨當洗洗揖揖之辰德齒甚微媿穆穆皇皇之  
美方上煩於顧復冀少迪於顯蒙敢圖敷號之揚廷  
特相奧區而燾社秩均揆路寄重帥旄惟茂勲明德  
之可居豈弱植幼齡之敢冒伏望皇帝陛下俯矜愚

款追寢贊書名器至公特正君臣之分悃誠獲許益  
隆父子之恩

代皇子再辭官表

循墻懇避既瀝於愚衷賜履疏榮未回於渙號仰蒙  
覆露輒再冒陳伏念臣託體天支承顏帝宸銀潢分  
潤日承鞠育之恩金輅啓封敢意褒揚之寵顧未親  
於保傅已視秩於公師相南土以建旄保東方而受  
社並疇多賦併行真租皆非分義之所安敢罄懇誠  
而再瀆伏望皇帝陛下至明旁燭大度兼容俯矜髫  
鬣之姿特寢絲綸之命朝廷之上庶絕於叨逾父子

之間何容於偽慢

代皇子謝授官表

程奏上干冀回於成命恩言狎至終闕於俞音祇受寵靈第蒙榮灼中謝竊以勝衣佩印存漢室之舊章昨日錫封寔本朝之故事敢圖庸昧亦玷褒揚伏念臣質異徇齊年方稚孺屬椒聊之繁衍聯棣萼以輝華顧子職之未供荷王靈之先及建節旄而賜履按輿地以建邦命服九章粲威儀於上宰元戎十乘峻節制於帥垣曾是孱微併叨寵獎此蓋伏遇皇帝陛下堯親九族舜闢四聰念生子之在初雖多男而授

職誓永堅於忠孝庶上答於生成

代謝賜名表

趣令安位已被恩綸諭使更名更紆親札宸廷馭幸閭府增華中謝竊惟名以制義者禮之經言惟作命者上之寵惟叔虞季友之類父命有稽而唐武蔣義之倫君賜為重臣逢時獨幸奠食久浮敢圖賤名更出睿意憐其許國之志使堅載后之誠問于申繻不犯廢山之戒比之程昱更超加日之榮此蓋伏遇皇帝陛下雖聖弗居以慈為寶當國家之間暇務極崇儒矜臣下之勤勞不忘賚善肆推曲澤以賁餘年三

月而名雖動已孤之感千載之遇更懷難報之思

代嗣濮王謝升等表

祇受寶符永佑基圖之固載頌睿渥曲惇族屬之私  
凡預麻涵交深呼舞中謝竊惟濮王之支裔皆為英  
祖之懿親論小宗則勢寔綿聯視正統則稍為踈逖  
因禮有等衰之辨故法從降殺之文戚單者既罷賜  
名行卑者遂無縻爵生息寢廣貧富不均躋聖度之  
獨觀裁宸章而親定謂自義率祖雖或貴於斷恩然  
立愛惟親固無嫌於廣孝爰因熙事丕變舊章官以  
行而迭升爵因名而更制情文俱盡恩義兩隆盤石  
相維更益廟祧之重綸言下逮永為戚即之光此蓋  
伏遇皇帝陛下聖德盡倫王功卹隱體堯仁而惇九  
族紹舜孝以協重華肆令葛藟之生共仰蓼蕭之澤  
願深圖於報稱當共誓於縻捐

代謝宣詔再入翰林表

禁林清切登用詞臣家巷光華喧傳詔使仰膺申命  
實載隆恩中謝竊以冠內朝供奉之班代中宸訓詞  
之任粵自前世號為要津資東里潤色之材處北門  
獻納之寄扉開銅式地祕金鑾樂府立成乃有謫仙  
之譽嘉謨叅決因存內相之名矧在聖時勃興文治

睿藻獨高於夔受古諸臣莫望於清光雲漢為章獨昭  
回於萬物風霆敷號將鼓舞於四夷宜得名儒以當  
內制而臣哀遲無用竅啓弗靈問學久踈矧久廢而  
將落文詞甚陋又已試而罔功何期過采於虛名復  
使陞華於故職預擁經於帷幄叅酌史於青編是皆  
劇榮并茲虛授此蓋伏遇皇帝陛下宏規遠撫聰聰  
旁周圖回萬化以更新收攬衆材而求舊殊私所逮  
懇避弗俞奮發詞章雖莫追於作者激昂忠義當不  
媿於古人

代謝不允乞外表

忱辭冒進冀乞其身恩旨俯頒俾安厥位叨榮未已  
席寵更慙中謝伏念獨荷聖知再司邦計本圖尺寸  
上報丘山衰疹所嬰筋骸知馬力之竭劇職寢廢智  
謀同鼠技之窮懼速大呵上孤殊獎爰即威顏之座  
具輸肝膈之誠為聖人眠巧故祠庭之佚避賢者路  
冀辭省戶之華不悟眷留中加慰撫此蓋伏遇皇帝  
陛下疏觀萬化原省衆材察其籲天本非擇地特加  
因任使勉後圖大哉一札之言永期尊閣最爾百身  
之隕曷稱恩私

代辭官表

旌旻所指肇闢遐疆綸綍載頒例增崇秩敢緣私分  
進冒隆威中謝竊以遁求厥寧蹻蹻聖神之造采入  
其阻桓桓仁義之師飭偏校以鷹揚係名王而蟻伏  
鋪敦積石奄有臨洮初無遺鏃之煩坐致舞干之格  
曠古未賓之地悉入版圖窮荒始附之民交通鞮譯  
仰繫睿斷用底膚公如臣謏才荷國重寄曾乏幄中  
之畫少裨閫外之奇乃緣策勲亦叨序爵矧預聞於  
政事已屢玷於恩華儻無止足畏避之心必有亢滿  
顛躋之慮伏望皇帝陛下監觀本末惠顧始終憐其  
深懼於高明察其非涉於偽慢斷從公論追寢命書

位必勞升盛世固無於虛授利因義勝愚衷亦幸於  
少安

### 伐謝授官表

興師奮伐吉語遽聞疏爵疇功恩言濫至懇辭弗獲  
祇受若驚中謝竊惟洮陽之奧區寔為隴右之故壤  
地形控阨天聚富繁早紆先帝之經營尚習狂童之  
矯據神機默運聖武嗣興詢謀將才指授廟算不淹  
浹日坐取列城疆弩何難於射雁震霆不及於掩耳  
游魂假息望旂鼓以驚奔泥首歸誠襲冠裳而款附  
震疊三河之外鋪敦青海之隅用夏變夷皆繫睿略

因人成事豈有微勞敢圖近弼之頒恩亦使瑣才而  
居寵此盖伏遇皇帝陛下英威服遠盛德容愚土宇  
版章中外禔福謂義已加於不齒故賞寧借於罔功  
特示睿慈俾霑優渥昆夷駭矣忻聞正域於四方元  
首明哉敢獻無疆之萬壽

代謝朝參減拜表

便蕃曲澤屢沐矜憐疲曳微軀特從優假禮稍寬於  
擎跽心深負於凌兢中謝伏念臣生植休明坐尸華  
顯奠食久浮於真館疏榮更畀於戎旃雅無橫草之  
功少圖稱効徒有負薪之疾上軫眷懷乃知極辨之

朝盖有常尊之分敢意惓惓之厚施特鑄僕僕之多  
儀此盖伏遇皇帝陛下德冒臣鄰庥涵戚屬謂禮雖  
宜於下拜而恩或出於非常因屈威顏俾蘇衰荈馬  
力將竭已逃顛踣之虞鼠技既窮尚誓糜捐之報

代謝敕設表

內苑贊書叨蒙宣召太官宿設更沐示慈荷寵便蕃  
省躬殞越中謝伏念臣初非博綜繆辱詳延修飾討論  
論何補聖謨之懿飲食燕樂遽蒙臺饋之頒此盖伏  
遇皇帝陛下優異詞臣恢張國體因其泣職之始訓  
以稽古之榮臣得盡心遠繼鹿茸之盛物無失性更

同魚藻之和徒媿屬厭莫知上報

代兗州謝上表

潞子名邦方膺守寄魯侯舊壤誤沐詔除已稅道塗  
敬頌條約中謝伏念臣羈危少與謹朴自將涉獵簡  
編粗識誠身之趣平均法令稍知布政之經徒欲少  
亢於衰門詎肯求通於曲路微如鼯鼠方自足於飲河  
勢若窮猿固未遑於擇木握蘭省戶剖竹藩方自視  
數竒皆非始望矧岱宗之重鎮存闕里之故家支邑  
民淳狴牢牢繫屬城盜息桴鼓稀鳴豈伊衰遲曾是  
畀付茲蓋伏遇皇帝陛下建五皇極奉三無私宣化  
承流雖博求於壽俊匿瑕藏疾亦冀採於愚矇臣敢  
不推廣上仁循緣舊俗布中和而樂職戒煩苦之傷  
恩尚有毫釐仰紓宵旰

代沂州謝上表

汎掃真祠方自安於祿隱改臨樂土忽誤玷於除書  
仰冒大恩退慙小邑中謝伏念臣江湖冷族庠序鱣  
生遭時博延與士彙進擢佐水衡之重曾靡荒功再  
將使節之嚴厓無乏事遽陞華於蘭省獲款對於楓  
宸橫草無勞自媿含香之選負薪有疾因求襍被之  
行蕭散再暮優游三徑敢圖紀錄復被使令矧所領

州昔嘗試吏雖歲月驚於云邁而父老喜其復來此  
蓋伏遇皇帝陛下施實德以厚生圖康功而適駿敷  
求良吏分列遠邦因誤聽聞遂叨職擢臣敢不布朝  
廷寬大之澤謹惠文織悉之科誓勉後圖庶逃幽黜

代謝賜御書千字表

辭榮弗獲煩一札之恩綸示眷有加錫千文之草聖  
昭回在望冗末增華中謝伏念臣久玷近嚴薦膺寄  
屬當制禮作樂之運竊幸預榮方崇儒重道之辰獨  
蒙加惠溫言慰藉曲澤分頒仰惟奎畫之文寔出神  
機之妙卧筆遠嗤於禿兔正書何取於怒猊肆筆而

成非由水墨之積習為章于上宜有神物之獲持不  
悟節居忽叨珍賜此蓋伏遇皇帝陛下睿文冠古獨  
智窮神道積于厥躬不忘典學天縱之將聖又極多  
能因點翰於燕閑特疏恩於禁近寫之金石永圖尊  
閣之藏燕及雲來共侈眷憐之寵

代謝對衣金帶馬表

腰束九環併荷笥衣之寵圍頌四牡仍加偉革之華  
感劇曳婁榮生罄控中謝伏念臣少罹陁阨自守羈  
單服止弊表輕煖敢晞於狐貉乘惟下駟權竒絕望  
于龍駮不悟遭逢薦膺錫予此蓋伏遇皇帝陛下緝



熙政治寤寐雋良恩示解衣俾勵素絲之節意存市  
駿寵頒赤汗之珍粲粲陳庭駟駟在廐於其視職出  
以疏榮鵜翼不濡俱積叨塵之媿蟻封可試庶無顛  
沛之傷

代高麗王謝賜太平御覽表

悃誠上訴懇求祕府之文恩渥繼頒曲狗殊隣之請  
始終展誦俛仰兢榮中謝竊以太宗皇帝自誠而明  
惟睿作聖即古而克永世遜志而敏厥修徃行前言  
已并包於聖學博聞強識更筭利於儒林肆命詞臣  
廣哀事類囊括千經之蘊網羅百氏之言公孫數萬

之詭辭披圖可見虞初九百之小說開卷盡知嘗資  
睿覽於西清益萃靈輝於東壁討論至當炳若丹青  
而不渝倫類相從煥乎朱紫之有別論纂寔繫於鴻  
博流傳尚隔於要荒臣僻處小邦粗博末伎在漢則  
伊秩嘗聞於入學於唐則吐蕃亦見於舊經輒援舊  
比以上干果奉睿恩而賜許叢沓簡編之富光華象  
緯之傳豈伊龍閣之珍藏乃作鷄林之秘寶茲蓋伏  
遇皇帝陛下深慈恤隱夷量包荒以孝奉先故誕布  
前朝之美以仁柔遠故曲從異域之求念臣嘗獻於  
逸書憐臣夙朝於化宇申錫皇文之千卷俾參舊約

之八條肆是誤恩猥沾遐裔臣敢不敬銘厚賜詳繹  
羣言流播三韓共仰文明之化分傳五族俾知賚予  
之私

丹陽集卷三

書

上揚州蹇尚書書

宋葛勝仲撰

某南州細人材智下無所取雖服讀儒衣書而罷能  
無一加人者今大名守林公不知其不肖而稱之於  
朝俾得預試校官蓋棄其叢爾之官守挈之而西川  
陸走二千里留公車者凡三見朔月也因是得曳裾  
卿相之門而側聞聖天子初政矣方將封殖中外瓌  
俊耆傑環布列位使輸智力共圖康功故未及御殿

而尺一搜賢急於星火韓公是定往黃公自毫往蔣  
公自慶往其餘諫垣詞掖學省藏室之臣粲然一新  
皆自外寄名也尚書忠義耿耿議論剛正勲閹暴著  
上方願見竊謂宜如曹相國促治裝行即名矣某也  
寄往淮海幸望履下過不自料請問可乎語曰貌言  
華也至言實也又曰狂夫言而智者擇焉又曰君子  
善謀小人善意竊意主上見尚書勞問之外必訪以  
天下大計施設所宜先者儻踉而進曰神宗皇帝創  
立憲令大功敷下天下歸仁先皇帝駿惠紹復不敢  
失墜天下稱孝今惟取兩朝成憲而踵之國是定矣

嗚呼言脫於口而利被海縣功施社稷忠與望說爭  
衡名與天壤相弊也某之心天下之心也某之言天  
下之言也某所望於尚書亦天下所望也尚書毋謂  
某位卑言高狂斐僭越而誅之崧高峻極加以一塵  
雖未云益豈有損乎尚書獨不見晉伯宗漢龔遂事  
乎晉伯宗乘傳過絳辟傳曰梁山震傳人曰山有朽  
壤而震何怪焉及見晉侯果問具以傳人語對晉侯  
大說龔遂自渤海名王生日即上問何以治渤海必  
曰此聖人之功非老臣之力帝曰安得長者之言哉  
遂即曰乃掾史教臣夫伯宗非不及傳人也王生非

賢於龔遂也然二子披心析肝而信之師用其言動寤萬乘者言中於實會於時而納之有素故也拳拳之誠實在於此若夫飾猥蔓之辭蘧蔭戚施以事容媚非惟某所不能想亦尚書既聞而厭聽矣干冒尊重無任戰越之至

上兗州太守書

某聞濯金浣錦取魚鹽則貴有求賤之勢培山益海資塵露則大有納小之理商君佐秦氣燄可炙而趨良以苦言藥之狄梁公峻節雅望為唐名卿而元衍行冲願備藥籠中物夫疎賤之士騁辭開說以干大

吏未必無一得之慮此兩士者足以觀矣願賜須臾之間宿留暫言何知無毫釐毗助萬一耶嘗觀昔善宰郡者布政處事趨時循俗而弛張無一定之論故力寡功倍而民歌舞之崔郾治魏不答一人及涖鄂則誅罰一不貸其說以謂陝土瘠民勞吾撫循不暇鄂土沃民剽非威不能治也柳仲郢尹京兆政稱嚴明人莫敢犯及鎮河南則以寬惠其說以謂輦轂之下先殫歷郡縣之治本惠養也若二子語政庶乎不謬通方之訓矣閣下以名士典郡所至有異等之効塗歌邑誦襲滿人耳果何以得此聲趙魏之間哉豈

非能觀察風俗隨宜制變故狎且閣下以趙之俗剽悍而嗜寇魁桀而侮法赭衣滿道桴鼓相聞故痛以法繩之銖兩之姦不舍強梁禘氣不敢跡境閣下之上党適歲荐飢死者塞塗于是推行荒政已責緩刑俾豪右振廩而千里皆果腹焉惟知緩急先後之方故寬猛異施而兩郡各治及乎詔書明揚改付東魯車轍未至而獵纓之士偷度臆計以為是必致隆于學校矣今旌麾所臨之地即古泰山魯二郡也宣精在上奎婁為文宿畫野在下洙泗為儒鄉闕里之堂矍相之圃故基遺址歷歷在目故其俗守經學其

人多秀令號稱禮義儒學之國凡屢命而撫封者率以文教先焉亦猶趙之當用猛潞之當用寬也今視事彌數月矣條教既修威令既止彫瘵者蘓矣跋扈者戢矣下至金穀米鹽簿領期會倉猝冗末無不垂省獨郡學未有半辭及焉今齋堂傾圮蕪棘不除生師栖栖有陳蔡絕糧之色閣下亦有意乎儻如朱博所謂侯堯舜出而陳說之則無如之何矣昔魯僖公旂色鑿穀親臨泮水之上飲先生君子以酒而順彼長道故淮夷徐宅莫不來同此前事之驗也抑又聞論事而不遠嫌者宋人有勸其鄰伐不祥之水從而

請薪之類也薦言而不俟信者婦始入門而戒其僕  
無笞服之類也某待罪教職望履幕之日淺而遽貢  
狂直疑若自為道地上之則失于不待信次之則病  
于不遠嫌惟寬明君子諒之而已

答李集正書

某愚不肖經學行誼不能超絕等類謬恩推擇使授  
業魯郡懼不振職私慄慄也單車始至人士見迎者  
百數獨足下奮然寵以書辭猥見褒假且望僕以尊  
顧盼剪拂之重僕雖不敏敢不因來示所稱述而廣  
之以曉左右者之聽昔項橐七歲為孔子師潁川荀

淑高自標待於名士少推許一日見黃叔度於汝南  
逆旅中竦然異之謂曰子吾之師表也阮步兵禰衡  
之于孔北海少皆二十歲而相與為歡友著事者以  
為羨稱也蓋師取四術友求三益年齡後先正自不  
校足下引韓退之之辭曰生乎吾後聞道也先乎吾  
吾從而師之意謂僕年雖尚弱而宜居師表之位顧  
僕何足當之徒以龜勉祿仕有不得已者昔韋中立  
見柳子厚于南州歆北面就弟子列子厚遂巡遜却  
不受至退之則不然作進學解以誨諸生又為師說  
以授李氏子抗顏為師不顧怪罵夫二子以文藝卓

越同為一世宗仰顧或抗或遜矛盾如此何哉退之  
任教職子厚居散地故也僕雖閹滯而代匱黷宇苟  
有銖髮禪補固不敢以犬馬齒少為解矣試以一事  
塞雅意足下屬詞雖工而許與不自愛恐論議士它  
日不以標鑒相許也商周灑壘之文章卓然傑出于  
千百歲之上聖人不生斯文未易再覩今以牽疆酬  
應之文輕見比擬不太誣乎至論宏詞舍劉柳而獨  
推陸贄裴度甚善是欲以名義功閹見勉也三復嘆  
息謹受教矣

上監職書

某嘗聞何武行部先即學宮延見諸生試其誦論課  
以得失已乃入傳舍問壘田見二千石其恢尚儒雅  
有如此者又聞竒章公始隨計京師敬望未白韓退  
之歆與延譽因携皇甫持正闕亡而過之大書其門  
曰某日愈湜同謁由是僧孺之名籍籍動等輩其成  
就後進有如此者每涉傳記究觀達人勝士所為魁  
然拔俗遠甚未嘗不置卷遐想以為曠數百年未易  
再睹誠不自意親於其身而見之恭惟閣下以聰明  
之才位部刺史崇儒拔士之轍嘈嘈乎列郡私固已  
藏諸胷中矣今茲車轍馬足始至魯郊戴襪垂纓之

士方且引脰拭目以觀所為然而金穀未問也簿領未核也囚繫未慮也牒訴未閱也道從傳呼先臨泮水之上降輿躋階款謁廟室要笏沃酌槃躡磬折退即學庭延見胄子雍容垂接與白屋九禮悼稍食之穀薄嘆室廬之頽陋慨然有意調而新之茲非何武之用心歟某受性方拙既不能激昂奮迅以為身謀又不能喔咿乾沒以追時好常編斐儿自守窮約閣下乃欲外而翼之屈二天之尊禮一介之賤使行路指目曰是雖無似然鉅公嘗一聘矣吳坂之鳴安知無三倍之價茲非韓退之好事歟矧自近世達官大

吏類以刀筆期會為急至於教化本原往往浸不屑意視校學之庭則曰此虛器也顧師儒之職則曰此左局也輕鱗菲薄以儒為戲彼又烏知三綱五常所繫而薦紳大夫所從出乎獨閣下遠覽深識留情藝文施設緩急輕重與世異趣曠者警焉洙泗儒風將配疇曩而於樂泮水之頌不得專美於前日矣吾道賴以振持後來因之競勸豈特某與縫掖諸生受賜而已哉爵躍蹈舞寔為天下賀也私布腹心惟閣下察之

謝曾運使書



某至愚極陋不敢自齒於搢紳諸公過聽謬使數學  
魯郡視職滿歲而經以疑質者無訓發之功文以瑕  
求者無詆呵之效大懼瘵曠以羞儒林惟是繕完室  
廬營度稍食竊竊然為諸生庇身餬口之計姑欲杜  
衆毀而塞吏議如是而已間者使車按臨始獲肩隨  
掾吏趨走幕下幸蒙不以常輩知遇妄以胥宇繼粟  
為請退念位卑而廁上交淺而求奢不揣其本而惟  
末是圖三者皆宜得誅絕之罪心口默計不寒自栗  
敢圖厚德闊畧不問又從而聽許之意無猶豫之疑  
文無勘詰之擾一日而賙三十萬觀聽者驚焉方縣

官經用窘急之秋領使事營輯歲計籠絡利源毫釐  
纖屑稍可紓目前有司之急者無不取也權酷龍斷  
與夫州邑之賦無功而受厚賜自非大人君子留情  
風教進誘後學詎肯瘠彼肥此耶洙泗鄉校有幾廢  
復興之漸圓冠侈袂騰頰頤譽皆曰上之德我者如  
是不激昂奮勵則為匪人魯道廢乎興矣功利之博  
與三十萬之費輕重大為何如哉若夫區區嗜學  
之心不為憂米鹽亂因得卒業又不至失職而去此  
義恩及於小已而非敢私謝者也抑又聞士伸於知  
已尚敢以一事况聽仙源縣學賜田歲租具在而田

無所歸甚有可併之理閣下盛名雅望朝廷方取信誠能書盈尺之紙轉以上聞不傷公私不疾文法其勢宜必得此邦受賜又非特三十萬而已也峩峩大石深刻頌美者不在他門而作為敬詩者亦且不勝聽矣偶進記為謝又因以請惟執事寔圖之

上白祭酒書

某聞江左辭格變永明體扶微倡始寔自隱侯辯平頭上尾之差示切響浮聲之真慷慨著論以謂靈均以來此祕未覩故後來人士爭宗仰之或擊節賞帶坻之句或援筆擬回文之銘于時有文章冠冕述作

楷模之諺凜凜乎儒流盟主矣宜其自高待遇特慎許可然而鑒獎後輩惟恐一士名譽不由已立也故見王筠則曰自諸賢零落玩好殆盡不意疲暮復遇盛德一見朱异則曰天下惟有文義碁書卿皆取去何獨不廡一見江革兄弟則曰御二龍於長塗騁逸驥于千里一見范岫則曰范公該博胡廣無以加也一見孔休源則虛已引接位之朝貴之上而與之商略文致觀顧歡秀才策則曰過江未有此作觀何思澄廬山詩則曰已所不逮觀劉勰文心雕龍愛其文理每陳諸几案觀顯上朝詩稱其藻拔至寫諸齋壁

雖劉之遶乳童曹景宗蝨夫而片語寸長未嘗靳齒  
牙餘論也乃若談地理而詢崔慰祖議禮器而質劉  
士深寧以身受遺忘之譏而樂為二子延譽又其用  
心懇到者也其深閉固拒不少假借者特鍾嶸一人  
將嶸才知凡下果無可稱錄耶或嗜好酸醎人各異  
也雖然隱侯身為佐命功臣位處端右多士榮槁出  
其舌端而泯默寒蟬無所援引則雖有題品人物之  
長亦徒虛美而已故史家猶以無所薦達少之恭惟  
閣下以名士識拔為朝廷巨公學期于見聖而不肯  
誦記傳注文貴于明道而不肯尋治彀韻度越隱侯

百等矣承平恢儒逢掖競勸懷圖挾術者雲會學省  
而詔書屬以司成之任又非艱難時祭酒比也竊謂  
山林畎畝窮閭隘巷魚鹽板築戈獵負販與夫冗僚  
末位一藝可錄而彀跡沉下未徹當塗之聽者皆閣  
下責也昔諸葛孔明高卧南陽王景略習隱鄴都未  
有以瘡人非徐庶徐統出力而遊揚之則亦秉耒之  
下農鬻畚之賤伎爾張茂先賦鷓鴣宋廣平賦梅花  
託意引類以自表見阮嗣宗蕪味道一見而罷之故  
隱然名重于世卒為望人間巷士歆自致于青雲之  
上非得先進鉅人羽翼而雌黃之無以致也伏惟水

鏡者動心焉若乃箴邪說之膏肓振前言之木鐸使  
元豐成均之政令熠然勃興此自閣下所優為方將  
延脰摘耳而觀聽其效不復云云干冒崇重無任悚  
悸之至

回施仲廉秀才書

某啓盛夏特煩顧寵且書文編見教迫於行役未暇  
周覽已觀經史首篇貫穿典籍辯正謬誤皆衆儒所  
未到非鴻博好古之士孰能為之嘗鼎一臠知天下  
之味則二十篇之書皆名筆也唯中間論春秋趙穿  
弑其君吾子謂邱明移之趙盾遂罹喪明之報若爾

則穿果自弑而盾不知也宣子雖傳載其美非一然  
此則不容不知高貴卿公之弑論者不肯以惡歸成  
濟而歸賈充又不肯歸賈充而歸典午故有但見其  
上之語由此言之南董立史法以戒萬世而孔子因  
之所以誅首惡也似不可輕議其它論易二典皆可  
以感發後學欽嘆不已序引宜得顯者以取重于世  
而僕非其人也既不敢承命并書復納幸亮之

上前宰相書

某七品冗吏抵罪竄逐得邑崑崙間自安貧賤之分  
忽忽校吏考不敢數以竿牘塵記室退念幸蒙相公

不以常輩知遇曩雖得罪于朝廷未得罪于名義今  
隸迹丹書低簪把板為折腰吏相公豈以屯<sub>厄</sub>遽移  
眄接之恩哉因飾固陋之辭叙悃誠自通願垂頃臯  
之聽使畢其說某竊在昔名節之士操守素定事至  
物來以其素定者處之不計禍祿利害而叛其所學  
也輕于蹈患害而重于隨時改度喔伊俯仰故能風  
節堯然與霜日爭光伏讀舊史竦然慕之曩者誤沐  
過聽得脩官使貴戚有沮撓教灑者抗章繩之近習  
有猥見辟置者潔身去之此皆分義之常而相公廣  
坐譚賞此其意豈以碌碌凡流見望哉提挽不已遂

得廁列文昌顯曹常欲激昂奮拔稍自效見以報恩  
獎而未有路會相公暫解釣軸和說叢興中執法建  
議紛更上及僖祖殿室表裏影響合為一辭某非不  
知脂膏享厚福婞直賈竒旤獨念名教至重期待甚  
深不當遂軟瘰厥官因援引古義謂不當罷奉常諸  
僚是之繼為奏議以上風憲不容相次斥逐直注醜  
地某得邑黥歛有湯鑊最沸之稱投身于兵戈殺越  
之鄉聞智于牒訴紛紜之地心疲神竭與九死為鄰  
而處之甘如飴密者趨捺定也意某官未燭首末故  
詳布腹心此言朝聞夕填溝壑無復遺恨恭惟某官

光輔聖政八年勲名德澤旁照華裔極天下金石竹  
帛不足銘功而頌美拔士數千百人寘之顯列山陬  
水濱惟恐鑿采未至可謂無負于人士矣今茲懇謝  
機政願神燕處薄海內外黃童白叟猶知歌狼跋九  
罍之詩引領以望而况門下士哉雖然名士之用舍  
世運繫之非人力也孔子曰天之未喪斯文也匡人  
其如予何孟子曰天欲平治天下當今之世舍我其  
誰哉伏冀珍練眠食為天下自重

答王齋長書

某才智學問無足算錄又方竄逐于一朝宜人士擯

而弗顧吾子獨惠然見存抵以書幅且引李白不願  
萬戶侯願識韓荆州之語何嗜好超尚與俗背也韓  
朝宗行事雖史編漏逸而白推以為人物之權衡且  
踵門求見資以收名定價其非碌碌凡士審矣顧僕  
何足以擬之然有以知吾子好學求益之意深也昔  
之名儒鉅公聞某所有賢士則汲汲求見未必不甚  
于士之求之故皇甫規喜見王符則曰徒見二千石  
不如一逢掖桓大司馬喜習鑿齒則曰三十年讀儒  
書不如一詣習主簿以吾子齒壯氣銳敏于文詞稍  
自奮激則潛夫之篇魏晉之論不難及也此政鄙心

所願交况逃空谷而喜足音之時乎承暫留縣學僕  
以職事當日夕繼見承音音之日未艾也深竊自幸  
日叙以為謝

士答李解元書

某自入境蒙人士以書見及者十數遣辭立意褒與  
過甚皆非僕所敢當至吾子書辭比擬大非其類周  
公孔子大聖人也如僕輩未免為鄉人豈可同年共  
世而語哉禮曰擬人必於其倫昔柳子厚牧柳州有  
杜温甫者以書為贄亦有周孔之說子厚皇遽遜避  
至累數百言夫子厚雖有附麗匪人之過然文章妙

一世學問亦不碌碌且猶云爾况僕輩又遠子厚數  
千丈乎雖佩厚意然不敢領納吾子文辭婉縟固自  
瘡人惟太不慎品藻此亦夏璜之一考也日載書為  
謝併以相曉

與程嘉量秀才書

數辱見臨猥示造述昨日復拜雅貺開編疾讀如遊  
玉圃於籃田之郊如聞咸池於洞庭之野懽耳驚目  
方咨美之不暇廼有師資之說何撝挹過乎柳子厚  
於常中立猶遜避不敢當况吾子學識加中立教等  
而僕望子厚萬里乎雖然語有之矣學所入者淺體

所安者深閑習禮容不如式瞻儀度諷誦遺言不若  
親承音旨又曰望之儼然乃不言之益與田蕪遊忘  
其鄙心則夫求當世望士與之周旋乃吾子之善學  
第僕非其人爾必欲規磨則書辭論子厚似太過子  
厚節操視退之雖父子然文章兄弟也子厚不敢以  
師表自處退之獨抗顏為人師既作師說以著傳道  
解惑之益又為進學解以誨諸生非其不同意者退  
之分教四門館則授業乃其職子厚方錮散地不暇  
取名聞取怒爾古賢勝人處事自有次第吾子以為  
何如披讀有暇時過縣齋以既所欲言者

### 與制置發運書

初春氣和恭惟神相忠嘉台候萬福某碌碌郡寄寔  
隸部封日託大庇寧不知德伏奉詔目委以經制羨  
緡均糴二萬斛具悉雅意施行則粟出於萬室違命  
則罪集於一身某豈不知自謀寔以弊邑乃水國蛙  
黽之與同處東南歲漕百五十萬斛而吳興獨無半  
菽之輸則土地不產米明矣去歲雖僅得下熟而暴  
風為孽於垂實之時收數不能什六比郡薦飢舟楫  
運致者尾相銜也今在市之米殆可粒數而中下戶  
已無鍾釜之積矣朝廷方復轉運之舊弊邑當輸米



四萬餘斛日夜鞭笞科督殆將如額而民已病矣今  
米價正踴一斗將三百餘儻以百金數一斗何止倍  
蓰之價則必有流徙飢殍之困所以累承公檄不敢  
從命又況執事元奏請止於平江常秀三郡均糴初  
無吳興之文則是執事已知吳興非產米之地矣今  
乃欲移嘉禾所賦於不腆弊邑瘠此以肥彼未燭所  
以也就使旋降朝旨比旨下亦已過時難輸矣伏望  
台照惠顧此方特寢前命豈惟某受賜寔數千萬戶  
戴不貲之德謹專介布腹心干冒使威無任皇恐待  
罪之至

答顏教授書

哀羸不堪當世用尚得竊吏二千石之祿以餬其口  
私意吳興人士淵藪必有卓犖氣義之士握筆搦牘  
日相規磨使不干于罪戾而到官彌月闕然未有聞  
也忽得來示詳複累千言析理叙事汪洋昭晰若五  
河東傾不見涯涘固深服左右之工于文矣不知僕  
之不肖使有所建明以蕪民之急又竊服左右處心  
積慮之依于仁也昔王生嘗以言警龔遂而任棠亦  
以意曉姜岐僕無似何以得此所條預買誠中時病  
近歲縣官經用不足給直每後時又胥史昧私公行

更復輕重上下其手使齊民重困矯革之急誠當如  
奉漏甕而沃焦釜然所陳四弊亦尚有可論者願他  
日更僕議之得暇時過郡齋不宣

與胡學士書

甘露僧至奉四月五日示問具審長夏向暑寓居僧  
廬種學味道水菽孝養文履佳福年隔十有一年中  
間家國之變可駭可痛可憂可嘖衆多如髮皆蒙詳  
叙筆勢瀾翻既喜詞藻之日新交情鄭重又諳眷與  
之不替幸甚幸甚所寄刻漏銘典雅似陸佐公而隸  
法似劉寬碑普賢像記竒崛似柳子厚而安養三贊

以辭達意似玉局老人久矣不見斯作也雖自知岨  
岨疲暮之人窮口談譽不能增公銖髮之重顧夙嗜  
在此政自不能不擊節賞味爾百圍之木干霄蔽日  
必飽霜雪之摧抑風雨之震凌然後能四萬牛而中  
大厦古來賢聖類因流離竄逐勞筋苦志空乏拂亂  
然後能以名德垂世而傳後退之貶陽山投身于蛇  
虺蠱毒之地畫字于鳥言夷面之人後謫揭陽冒海  
氣蒸霧之毒有鱷魚颶風之憂可謂困窮矣終為一  
代名臣太史遷南遊江淮上會稽窺九疑泛沅湘北  
涉汶泗講業齊魯困阨鄱薛過梁鄭而歸登穹山峻

谷之嶄絕日大川激流之奔注以佐其豪拔之氣而  
著書五十二萬餘言遂為史家之冠吾友頃者蒼梧  
之遷踰年始會息往返萬里川陸艱險無不歷崑崙  
瑰瑋無不觀前二說始兩得之豈造物者有意降大  
任歟况復一二巨公軒輊而俎豆之公義既伸舊爵  
旋復而一感青雲指日可俟則前夢不足道也某晚  
塗薄祐第二子昨緣鎖廳預薦曰逗留拱州與其姊  
若姊夫俱為金人所掠至今不知存亡初聞寔不賴  
生日遠日忘偶留殘息屏居江壘會科調不堪命避  
地吳興依薄以餬口今四年矣所居號寶谿連甍一

大聚落日須租辦而十里有菁山隱庵林谷竒勝時  
以煙艇往來又里中屋廬雖屢遭灰燼而書籍偶無  
恙近者輦至數簾頗有遮眼之具長子立方繫官雲  
間欲歸未遂一一薦聞恐公念見及也往嘗以韻語  
叙懷寄澶淵不識見之否所令作普賢贊固願以筆  
舌結華藏之緣况事跡殊異如此敢不在念續當馳  
寄也公學識文詞迥出儕輩豈久閑者行用矣千萬  
保衛以頌

丹陽集卷四

啓

謝試宏詞及三經義入等啓

宋葛勝仲撰

享弊帚以千金誠乖自見取鉞刀於一割大竦衆聞  
感藏情塗媿溢眉宇竊以唐室致詳于取士詞科尤  
盛于得人陸贄以建議而濟興元之功李絳以忠謨  
而輔元和之治杜遵素削權于諸鎮裴中立服叛于  
兩河魏絳勲庸輝映簡牘乃若夢得夸毗于顯仕宗  
元附麗于要臣科選雖優操行何取先帝懋廉能之

衆詔書復詞藻之科文治蠲興鄉材輦出大明繼照  
衆峻昂來推擇至公勸獎尤厚自非文列班揚之伯  
仲六籍探竒學通游夏之淵源三冬擅富服匿識單  
于之器實沉窮大夏之神則何以上副旁求允應妙  
簡如某者會計小伎襍穢頑姿風流莫適于淹中恢  
博顧慙于稷下未識晏楹之竒字迫殊汲冢之多聞  
糟粕習傳豈免輪人之議蟲魚綴緝坐貽僉父之譏  
迫就養于親庭勉爭雄于場籍懷鉛學省每玷上游  
充賦王畿屢塵第等茂恩解褐榮路彩纓讀書未逮  
於五千補掾聊同於百六棲棲真深踽踽喧囂平亭

日困於丹書商榷寢疎于黃卷聊吟招隱屢作抵疑  
耻為南郭之吹竽每望西山而拄頰靜言計議勉自  
激昂汨沒而抗塵則殆昧乘時進修而應令則未為  
枉已文戰更思於借一疲兵自賈於當千髦士雲翔  
貴游波委敏捷爭先於倚馬華菁各擅於彫龍豈期  
晚生首玷清舉矧是三經之選亦收一日之長丹桂  
騰芳已冒魯山之一第青錢中選敢圖陽嶠之入科  
揣分無堪歸恩有自此蓋伏遇某官丕揚賢業光輔  
聖時務長育於人材不遺忘於微賤忝力吹於寒谷  
芑迺采於中鄉遂致瑣材獲階寸進駿稱千里由吳

坂之提撕珍擅二都本華陰之拂拭某敢不退量僥  
冒更務就将不專事於辭華益博修于罷業黃香學  
淺方求未見之書任昉恩深行獻感知之賦

兗州教授謝到任啓

橫經之逸猥及愚矇負策之流衆為指議僣倪就職  
凌兢戴恩惟熙寧元聖之嗣興起建鄴真儒而光輔  
闢邪說於去聖悠遠之後昭微言于舉世黜闇之中  
博延師座於東州樂育儒生於北面喬野之俗寢成  
文雅記誦之習變為討論矧茲洙泗之濱上直奎婁  
之次泮宮芹藻多可薦之英才闕里弦歌有相承之

聖化廣德心者尚餘多士立公門者何止一人宜得  
名流出領教法而某蘭陵族冷勾漏緒微性惴少通  
學僻自信鵬翼九萬雖妄意於遠圖鷄跖數千每自  
慙於淺植侵尋仕路乾沒名場玷一第於儀曹粗承  
家學擢兩科于政府濫厠英游夤緣君相之恩冒昧  
師儒之逸術非博習貴異大知自愧拙艱之有餘猶  
教學之相長鄭生東矣無著錄之門人有子避之多  
獻嘲之弟子尚祈善貸得至終更

與提學殿院啓

人材至難能長育則下皆樂矣治具有要善藩飾則

人必親之蓋敦龐忠厚之俗待崇養然後寢興雖温  
良粹美之材非作成亦將胥竭逝觀周室大闢經學  
謂就賢體遠未足化民故尊君親上然後興學道德  
之妙則崇之以四術四教技能之末則示之以六藝  
六儀弊獄訟者於此而獻囚恢武功者反歸而告馘  
問胥州長誰非勸率之人家塾黨庠亦謂絃歌之地  
自俊士而升造士由小成而至大成故賢能之書獻  
于鄉大夫成均之法掌以大司樂曰饋曰撻小則為  
偷墮之懲或寄或移大則示奇哀之耻文風郁郁功  
化巍巍車書由是大同風俗於焉丕變治古既遠儒

流益衰蔽小智之自私膠天惑之易枉放言自若詖  
行無慙學非根道而詭詭各有所宗辭不傳經而譏  
譏自以為是豈昔人曠絕而難繼蓋後世教養之無  
方漢有隆師之意而不能正蹠駁於專門唐有訓儒  
之名而不能救奔趨於覓舉雖執經者有期門羽林  
之士而來學者或且渠伊秩之首徒為羨觀何闕王  
化俗久安於鹵莽運始底於亨嘉當熙寧元聖之勃  
興惟建鄴真儒而光輔革千載循沿之弊作一時新  
美之材惡彫蟲害道而罷絀於辭章病邪說誣民而  
頌行於義訓列經以五分舍惟三遐不作人紹王公

之伊濯肆于時夏烝髦士以攸宜然書考之法方試  
於賢闕賓興之令未行於鄉吏蓋欲徐徐而善俗庶  
幾寢寢以移風道之將行勢若有待洪惟上聖嗣撫  
下民道求厥寧仰繼承於先志不遐有佐期廣育於  
英材首詔國南肇營郊學東窮出日西浹流沙南連  
嶺嶠之邦北極幽都之遠地雖僻陋人不鄙夷大開  
精舍而堂序翬飛衆建經師而人材麇至日講月試  
時考歲升廩食之厚則輟費於戶部右曹勸率之優  
則第名於儀曹院新書始下宿學交趨尚虞崇養之  
云初或致奉行之不稱矧惟劇道尤藉通材因煩部  
刺史之尊兼綜外諸侯之學恭惟某官心源昭徹氣  
宇粹純知識深湛則古之謀人操尚高明則今之君  
子爰從書局峻陟憲臺凜然白簡之威名高掩青箱  
之前譽自下廟上以公減私暫勞疏附之賢屈領將  
明之寄自典司於教法益東注於淵衷久隆崑石之  
瞻即有鋒車之召

賀鄆帥岑待制啓

膺承明命釐保大邦政任舊人聯九閣而蒙福戎有  
良翰罄一道以歸仁恭惟某官命世望隆覺民任重  
言無枝葉夙獻替於朝綱學有淵源克贊俾於國論



正容悟物直道事人回翔中外而將明敷納皆其所  
長出入險夷而敦朴靖共未嘗少撓階緣初政識擢  
從班龍已升雲蛇輔果聞於得所魚方縱壑鴻毛更  
迅于乘風諒惟舊學之甘盤即正具瞻於師尹伏念  
某愚無敏識拙謝清途粗堅嗜學之心獲預擁經之  
逸道山清切誰啓發於篇章泮水敞閑免沉迷於簿  
領繫官有守望履無階

賀充守祝刑部啓

奉詔十行分符千里凡依庇賴共集歡欣竊以未喪  
斯文洙泗有聖人之化大啓爾宇龜蒙為叔父之封

矧在祥符嘗迂清蹕落成琳館光昭受祖之休登祀  
岱宗誕啓格天之業在今尤為雄鎮擇守必付重人  
恭惟某官雅望濟時孤忠許國遇事奮敢為之氣祥  
刑推欽卹之仁凜凜清規夙著破邪之論優優美化  
久傳樂職之詩爰從潞子之邦改泝魯侯之國吏民  
慕德日期抗隼之來僚屬欽風預喜左魚之出伏念  
某謬悠單見委瑣凡材由仁義行期數學半鳳凰翔  
千仞分隔華途鶴鷺巢一枝自安拙宦側聞命牧竊  
喜事賢倒屣以迎固非敢冀斂版而進庶或有期

與運使啓四首

督司行部懷觀攬轡之嚴履幕趨風甫遂披雲之願  
猥蒙折節稍賜俛眉曹事罔功一皆寬貸學徒艱食  
上軫哀矜仰玷照臨之私寔踰分願之素凝嚴在候  
庶按少勞懋惟福履之晚來護寢興之適恭惟某官  
清識難尚大雅不羣智略湊上前言語妙天下美由  
世濟位以才升輟省戶之名郎領計臺之膺使貯儲  
邦用陳陳相因薦拔時才武武不絕屬部望風而鄉  
徃墨官投劾以去歸豈伊經濟之賢久屈將明之寄  
行選於衆詳延弼后之忠使暨乃僚丕顯佐王之業  
澄清劇部久聞公子之名臨按陋邦始識荆州之面

屈使華之貴重訪曹席之敞閑精廬頽廢而興考室  
之謀廩食敵薄而動傾困之意捫心無報鏤骨有銘  
恭惟某官道直以方性剛而塞儒雅足以飾吏文章  
足以瑞朝端遇聖知肅將王命同何武之行部先即  
學官笑朱博之顯名不喜儒吏傳聞四遠慕仰一詞  
至於校歲計於低昂豐匱之間鑒人倫於庶墨智瘵  
之際願雖餘事綽有成功出裕邦儲已富陳陳之積  
入陪國論即諧赫赫之瞻  
外臺居部久欽握節之威豐舍繫官未遂披雲之便  
辱在輝庇尤切震惶恭惟某官人品高華天資彊濟

問學該富而守之以約材猷挺拔而持之以謙輸忠  
自結于主知抗論力排于邦論陳寔未用公卿媿於  
先登左雄所言臺閣以為故事宜居端右協贊經綸  
然利器惟盤根而後知况良馬於平路無以別暫煩  
智略出總賦輿吐嗟談笑而仰給遽充移徙懋遷而  
調發俄集已裕九年之計即膺三節之趨

仰高希驥久約結於情塗入隩登龍未披瞻於神宇  
澄清使指託付吏師幸茲庇存施及冗末恭惟某官  
識資國是材助邦臧富學識則該綜乎九流一百三  
家擅政譽則并包乎四善二十七最暫違卿月出領

使星傾殫心計之勞補葺利源之入輓粟斡貨居之  
便流錢知輕重之平官最升聞主知彌厚視歷案上  
行分優渥之恩覆名甌中佇見登庸之兆

謝郊教授啓

摘華試席命教泮宮識拔方初升騰豈晚恭惟某官  
材推秀穎學洞本源傑句凌雲遠過杜陵之三賦霏  
辭折角何止常賢之一經果拔第於明庭復中科於  
省戶敢圖駕見更抵袖書用重要輕弗悟眷存之重  
以多問寡徒欽謙挹之先

謝宮使保和啓

分符南土微績効之登聞序職西清荷寵光之狎至  
辭不獲媿無以容伏念某才不適時學未聞道慙不  
能以燭古今之理拙不足以周事物之機技斷斷  
以無它但知平進老冉冉其將至實負初心分甘棄  
日於簿書敢期寓直於謨訓此蓋伏遇某官明恢公  
聽仁務曲成致茲坏蟄之幽亦預陽春之澤誓當龜  
俛上報恩勤

謝除館職啓

芝檢誕頌猥倚褒遷之寵蘭臺入直獲從英雋之遊  
退揣冥頑仰慙推擇竊以登延冊府號第一官由繹

祕文非具員吏歷觀前日率付可人為名流待用之  
途亦華姓起家之選故凡青錢學士不媿赤衣諸賢  
或由少訖老而手不置書或自甲至丁而卷能談事  
或聚七千帙而考練或課五十紙而校求銜環奇者旬  
日而了祕閣真篇自標置者三年而隔同舍共語圖  
形東觀蔚為經術之宗奏賦南郊煥若辭華之美以  
岑文本之材而始願止此如張伯緒之望而固求不  
遷矧昭代之恢儒幸聖皇之崇學顯帝堯文章而飾  
萬物體周王壽考而丞衆材槐市交興蓬山尤重肇  
新寶宇申揭雲章老人出授於神書童子不憂於朋

字苟錄虞志擁籤帶之紛紜任筆沈詩萃紳綏而商  
略間猶訛謬特重校讐言灰渡河者三實資是正書  
馬并尾而五更在研窮豈容素殮以累清議伏念某  
人門具下年位並輕雖問學勉企于前修而毅望不  
高于時輩規規求志踽踽固窮偶屢竊於詞科目數  
移於宦牒主青衿之學校久困齏鹽對黃卷之聖賢  
益勤鉛槧俄嬰艱棘深自屏藏推傷甫逮于喪除收  
名俾承于官乏預清臺之較厯佐戚邸之司宗坐糜  
餼糧毫無功闕何言此段稍躡補人秋焚簡編覺芸  
香之消蠹夜窺墳藉驚藜杖之分光顧惟久衰多難

之姿豈圖偶得儻來之幸此蓋伏遇某官朝廷元老  
學者宗師以獻可替否贊時雍以激濁揚清昭人望  
顯致掄材之助仰禪序爵之公謂牛鼎烹雞用器固  
難於適稱然蟻封試馬厯久始見於非常當求未見  
之書更輔多聞之友措諸事業庶能酬覆載之仁作  
為文詞或可頌泰平之盛

謝監職薦縣令應詔啓

按譜治民曾微政績飛章薦士誤沐恩華自驚流落  
之餘有此遭逢之幸伏念某所學甚陋其愚不移寧  
甘三絀之窮羞為兩墮之計量材懦分固宜奔趨州

縣之塵勞論事獻謀豈足陪輔朝廷之末議故從貶  
斥但自省循惟海寧夙號喧囂在江表獨稱繁劇處  
公綽于薛邑時謂非優責虞詡於朝歌人皆相吊念  
受祿固難擇事而抵罪不可逃刑徒知夙夜在公不  
覺日月逾邁俗粗安其朴拙歲適會于豐穰民無推  
不去之謠士有念相聞之喜敢期過聽特借重言豈  
惟榮耀于觀瞻實亦激昂於衰懦束帶而輕五斗較  
德甚慙失船而得一壺戴恩惟倍此蓋伏遇某官位  
部刺史名世偉人以及收邱淹滯為欵材之謀以拔舉  
公忠為報國之實取同為驗宜後而先迺如冗末之  
流亦在獎知之數益當黽勉冀追謹詞雖絕望于亨  
嘉庶不孤於眷遇

賀中書舍人啓

疏恩黼座進職綸闈除日四傳輿情交喜竊以充朝  
廷文章之任固為儒者之至榮代天子謨訓之言尤  
極士林之高選非緣素望曷稱明揚恭惟某官忠結  
上知材膺世用詞華溫麗追還三代之餘問學粹純  
洞達六經之奧輟東膠之胄席領西掖之命書兼侍  
講帷仍分省事掌中抽草已先侍從之聯腹上生松  
行聽弼丞之命

賀耿左丞啓

光被宸輝進陪國論人惟求舊尤資攀附之賢政貴  
有常行迪泰和之治華夏咸喜天人同恭符惟某官氣  
稟天和時推人傑備忠孝之令德兼文武之全才智  
謀天下之耆龜文藻人中之星斗以負經綸之蘊荐  
膺清切之除方睿神淵默以居潛賴睿明始終之庇  
職未即著講論之益青宮徧調護之官逮九五之時  
升擢二八以自輔俾司樞筦實本兵權屬強敵之長  
驅擁全師而深入人心恟懼神器震搖建茲多壘之  
還盡出萬全之策料敵制勝有嘉右府之樞機經體

贊元遂進中臺之綱轄惟茲舊學先輔初元諒辰告  
於遠猷以日下於膏澤愈峻其瞻之望行膺爰立之  
求伏念某涉世闊疎謀身拙直頃濫尸於禮寺亦叨  
預於官僚寅緣親依仰窺千慮幸會獎與寔積三年  
茲聞渙號之頒深激懦衷之慶四蛇入穴欣已附升  
雲之龍六鷁退飛無階同賀履之燕

上左丞啓

被眷中宸陞榮左轄欽聞誕告允副具瞻竊以經體  
贊元實賴翼扶之助繼猷述事方當祗適之時厥基  
永享於休惟后非賢不乂果聞耆傑入副登庸恭惟

某官恪恭粹和莊重明敏學究真儒之蘊文高哲匠  
之華窺行已之始終古人是尚考立朝之本末天下  
共知自先贊於朝綱益允諧于人望同寅協恭而修  
政事遠撫長駕而熙事功民言惟嘉國是以定逮茲  
時舉蕃有恩言入告謀猷已見君陳之順后丕視功  
載行聞姬旦之齊工

答何状元啟

冠名英俊之躔陞華圖籍之府仲舒之為舉首啟發  
道真子政之校中經夙昭人望朝廷得士寰海起風  
恭惟某官學奧離倫材高周用元元本本博窮載籍

之傳濟濟洋洋蚤預賓興之列果緣健筆力取殊科  
上興見晚之嗟人以覩先為快名驚學子筆藁至于  
欲燒文播都城紙價幾于驟貴敢圖謙謝亦附冗僚  
退揆菲材固難當于益美仰窺佳藻亦竊幸於珍藏

回王状元啟

臚傳上第首冠羣英下明詔於九天恩先桂籍收大  
名于一日先映儒林凡在見聞孰不慶羨恭惟某官  
宏材聳壑英氣凌雲卓爾異人時推於間出偉然大  
器不俟於晚成以妙齡秀發之姿奉高誼講聞之對  
諸老誰先于賈傳天子親擢於平津喜黌舍之有人



掩文場而得雋惟他日公卿之路當由此而致吾之  
君凡一時父母之心皆聞風而祝其子華塗方踐遠  
業難量某久共齏鹽更窺珠玉知洋洋于流水偶贊  
文衡引皓皓于明星寔由聖鑒擁長牋而肯顧濫陋  
卷以生光

回第二人董状元啟

唱第中宸冠名上甲雖事從故典推龍首以居先而  
息出清衷並桂林而擢秀恭惟某官文知體要學有  
淵源望久重於鄉閭敬特高于場屋屢泣荆州之璞  
知者其誰獨騰豐劔之光終然莫掩邈春官而累上

霑皇澤以蕪收有孤黃卷之心耻試紅塵之吏氣不  
衰于再鼓人忽驚于一鳴冕旒凝乙夜之觀軒陛首  
春雷之震對賢良而舉首遂繼家風起徒步而封侯  
更看晚節某頃日乏使忝預攸司設網于河偶值靈  
龜之入窺斑以管詎窮文豹之竒方喜得於真才忽  
過蒙於盛禮云

荅盛學士啟

占桂籍之上游得蘭臺之舊物士歆稽古之力朝有  
得賢之榮恭惟某官學茂大知器非近用處貴游而  
獨惇素尚在蚤歲而已擅雋名混舉子以登場中有

司之異等禁庭唱第名復甲于英髦宸筆評文語特  
嘉於警拔遂膺溫詔擢校祕文問倚相祈招之詩素  
欽博古讀杜牧阿房之賦竊幸知賢敢圖過謙猥形  
私謝豈特借重言以華衰品蓋將敦高誼以激媮風

荅鄭學士啓

延登內閣典校中經儒館增輝士流交慶恭惟某官  
識探聖域文播賢闕自期國華不甘門調仕而優則  
學首登附試之科儒以道得民旋預說經之選談易  
無疑於九事著錄何止於千人輟刺舉于南州擢刊  
讐于東觀得時則駕方遠步於亨塗飲人以和乃過

形於謙謝佳筆但知藏去厚意不敢當蒙

賀韓學士啓

被眷楓宸躋華芸省朝慶得人之盛士歆稽古之榮  
竊以挾冊校文實重圖書之府養材待用是為英雋  
之躔凡隸職於其間蓋送賢而後授恭惟某官器識  
俱懋望實兩高學有淵源博宗九流之奧文無翫斲  
追還三代之醇預蒞禮于曲臺復讐書于內閣鳳將  
子而惟九宣媿前修豕渡河而曰三寶資鴻筆媿未  
皇于叙慶顧先辱于滕緘佩感至深襲藏為好

賀黃學士啓

被眷中宸躋榮內閣儒館慶得人之盛士流歆稽古  
之榮竊以昭代右文闢三館而聚書籍工皇籙俊差  
九等以寵儒臣行朝方復試遜之科冊府必用俊髦  
之士恭惟某官豈具負吏寔不羈材早以雋名蔚有  
棟梁之器中緣鯁議頗妨塗轍之升道既久而日章  
理亦窮而斯變登龍尾之道已數近於清光復鴈門  
之躋諒即躋于要路

答武學李博士

子奇啓

曳裾見臨削牘為賀翔鳳凰于千仞豈測雄飛享鷄  
鶩以九韶徒深眩視恭惟某官器凝方重學造精微

收科若摘頷髭吐論如霏木屑文詞合處曹子建何  
足道哉時命鼎來謝安石恐不免耳豈伊右學能滯  
亨塗敢圖謙撝猥見標榜過情之譽雖非涼薄之敢  
當會友之文當永珍藏以為好

與運使啓

二首

將命計臺著攬轡澄清之望尸官講肆有高山景暴  
之誠未誠接於顏辭幸依棲於名德恭惟某官性天  
夙悟才地素優論器範則當從古人求較詞章則應  
是我輩語事每試而皆可政無徃而不宜早達直於  
霜臺屢對揚於雲幄忠規直節邦朋震懼以相驚崇

論謹言國是雍容而自定暫枉將明之寄少分憂顧  
之勤原隄光華已上聞於功最威顏咫尺行入侍於  
清閒

坐曹無補深虞直指之嚴行部載臨獲展上交之禮  
自惟冗散方託庇存遽爾睽離已深敦慕恭惟某官  
穀名籍甚器範自然軒軒雅操之獨持衍衍公才之  
屢試方在責寔循名之際凜然赴功趨事之能省戶  
司金名特高於諸彥使臺握節威自懾于屬城從容  
計相之經營籠幹縣官之調度行選於衆詳延博碩  
之賢使復於王展盡經綸之業

謝江陰曹縣尉襲啓

言旋故鄉方有人琴俱亡之恨敢圖都騎示以金石  
相宣之文仰惟學省之俊英早挹天墀之右第仕而  
優則學不忘探討之勤因不失其親更切規磨之助  
遠貽華軸來賁郊廬自慙受粟之支離豈稱畫眉於  
渾沌徒欲借此言以增重敢不珍其貺而襲藏

丹陽集卷五

啟

復修撰謝兩府啟

宋葛勝仲撰

殊廷記掃幸筵跡於曜仙秘殿疏榮或側名於墨客  
稍從杖拭曲荷生成伏念某官奮自羈單進蒙東權  
逶迤持祿深戒鄙夫之事君亂離狗公妄期君子之  
謀道一昨趨登侍從進長膠庠雖無成德達財之功  
粗有畏法遵繩之志欽惟寄屬每自激昂杜請託則  
深拂於人情多建明則顯違於時論雖學子粗安其

樸拙而儉人潛議於中傷孤根易搖小器先溢青蠅  
交集白簡厚誣凡可排根而傾擠無不能謾而崇飾  
彼正異放廢之惠固擾為掇蜂之譏上賴照臨止投  
閑左莠言甚巧類成葉於三年幽憤莫申將降霜於  
五月惟神聽之難固而天道之好還旋聞邦誣莫逃  
聖鑒昇虎豺而不食禦魑魅以遠行四門穆清百揆  
特叙惟茲枉撓屢乞辨明敢期曠蕩之恩稍加麗正  
之職此蓋伏遇某官心存體國道廣濟時惠顧窮人  
起伊尹納溝之念磨礪治具肩傳說作礪之誠致脫  
丹書漸還清貫倘未填於溝壑誓仰報於陶鎔

恭謝汝州到任謝兩府啟

起於宮祠付之民社自顧散儒之陋謬當良吏之求  
亦既換封莫知報德竊以魯山沃壤汝水邦名密拱  
兩都新被節旄之渥旁連四輔舊稱屏翰之雄當承  
流宰牧之權性有汲黯之慙學初為己妄期造道以  
逢原仕則慕君敢替當官而拘義願多取於公器復  
顯忤於要權致俎豆楚者幾稀而魚肉法者甚衆駭  
机一發溢惡交興惟銳進之邦朋方上搖於國是從  
而下石易若吹毛獨賴肅明燭知誣罔雖褫職於輦  
轂之下獨賦祿於湖海之濱方齊得喪於環中而置

思怨於度外以退縮為安身之計以靜默為進德之階敢觀矜憐稍加收用此蓋伏遇某官膺天大任佐時有為積累治功若農夫之望歲銓量人品如匠者之度材表安不忍於錮人傳說但期於迪后肆全衰懦復於東求某敢不防患周身指覆車而自戒牧民涖政憂製錦之或傷

賀趙鎮撫啟

周尊師帥之職實摠全師唐分藩鎮之權旁提支郡於惟盛且復舉舊章敷求忠亮之賢付畀土疆之重恭惟某官材資傑出智略挺生早破眷於宸廷屢出持於使節頃當艱險備整忠嘉諒惟制檢之榮即有齊壇之拜

賀運使劉龍圖啟

祇奉恩輝寵除漕寄凡依庇賴交集惟愉恭惟某官學貫儒流望高時論以盡言不諱而挹危魏第以忠懇無隱而光諫垣躋峻職於西清危悉闡於南土預元戎之婉畫曲盡訐謨領將漕之提封更榮申命行闡名節入冠從班某根以散材獲居屬郡欽聞光渥第極歸休

賀運使郎中學士啟

祇膺詔旨榮總督司先教所傳公議咸喜恭惟某官  
宏材挺特雅量粹夷學有淵源綽著淹通之譽言無  
枝葉裁成辭要之文輒自望即出當膺使諒未聞於  
暖席已罷拜於持荷孰是孤蹤獲栖大庇願章級之  
所繫瞻履幕以未繇日俟按臨稟承約束

與運使啟

仕途太艱合歸湖海之濱朝論魚容尚叨獄市之寄  
幸茲昧陋託在庇存恭惟某官敦厚而疎通粹和而  
而端亮躋榮策府知博貫於丘墳將命計臺復登聞  
於課最賦輿不擾金穀如流諒惟注意之深即慶非  
常之寵某祇膺宸檢改佩守符惟斷斷之無他寔憺  
憺而慕義頃栖大蔭固已荷於包荒今託提封行復  
欣於承教

賀胡發運使

祇膺宸檢就陟使權統九路之輸將當列城之刺舉  
凡依託賴交集歡欣恭惟某官忠有古人之風學為  
王者之事憲府夙推于忠鯁中臺作振於維綱益隆  
黼辰之外知領繡衣之寄建茲推擇愈著光華調發  
邦儲暫倚成于心計超遷內務行亟拜于除書

賀提刑大卿啟



祇膺溫詔出總祥刑凡預庇庥共深欣抃恭惟某官  
望高朝論忠簡上知入踐要繁夙預月卿之寵出當  
憂頌屢膺星使之權佇聞贊書峻陟華貫其誤紆郡  
紱造爾使麾不惟仰託於眷存實幸款承於教警

荅秀州知府曾學士啟

祇奉明綸改臨重鎮幸依鄰庇遽辱書辭恭惟某官  
德宇粹溫詞華秀拔世濟其美紹起業於相門官修  
其方敷教條於郡寄撫對云始結課已優方聯冊府  
之清班行正禁途之譽命祝頌至切稱述莫殫

賀金陵曾修撰孝蘊啟

吳都重鎮位居藩伯之崇書殿華資職號儒林之貴  
時維雋詒仰副眷懷恭惟某官清時羽儀群辟冠冕  
智仁勇以兼卽德爵齒之皆尊雖遭時屢歷於險夷  
而挺志弗渝於忠蓋入居朝廷則著龜庶事出臨方  
面則紉尺衆材表此百城暫倚兵鈴之重開于兩社  
即登宰路之華伏念某受知素深去德滋遠中緣艱  
棘久自屏藏寔冒甄陞遽罹貶逐逐演綠幸會再依庇  
賴之仁險阻艱難尤切歸投之素屬官常之有守望  
履幕以無階

賀王修撰啟

祇奉恩輝榮陞論議有識交慶不謀同辭恭以某官  
學探道原望高時論事每試而皆可政無往而不宜  
頃膺一札之書出領三城之寄維藩宜所賴因任既  
以累年然積績用登聞褒進殆無虛月行破追鋒之  
名就頒挈橐之除某代置陋邦依寶鄰之千萬蒙悖  
雅契枉華翰者再三感媿之深叙陳固既

回河陽王待制啟

被命十行陞華兩禁民逆借留之願朝有因任之公  
凡預游從交深欣抃恭惟某官天資敏銳德宇粹溫  
理窮性命之端事燭古今之表英辭振玉逸氣凌雲  
却桂一枝卓爾儒林之秀和松千丈挺然大廈之資  
自結聖知出當方面河水東泊鄙鄰國之白圭長橋  
卧波小平津之杜預報功崇德果疏持橐之榮尊至  
庇民行拜秉鈞之名某備員鄰境託庇卿雲方修慶  
之未遑遽騰牋之先辱其為感戢難既叙陳

賀冬啟二首

一陽襲管氣滋緹室之和五物書雲瑞見候臺之應  
惟時賢詰繁擁休祥恭惟某官材擅儒林望高朝論  
富金籟之粵學挹珠網之巍科大邑試材鸞暫栖于  
枳棘清班拔士鳳將集於梧桐順履天元茂膺帝祉

清臺課歷逢七政之同躔黃祲占年見五雲之紀瑞  
惟時賢詒繁擁休祥恭惟某官性天高明才地敏給  
敷政無施而不可泣官所致而有聞大邑庇身暫倚  
撥煩之重嘉猶告后即攄經遠之謀茲順履於天元  
諒茂膺於帝祀

答周舍人賀冬啟

律回葭管登臺爰紀於祥雲星次斗躔推策載迎於  
長日方一陽之來復宜百福之類升恭惟某官文秀  
時髦學優聖域冠法冠於烏府侍香案於螭坳致滋  
美其親暫屈藩維之寄告謀猷於后行膺夢卜之求

諒經剛長之辰即有詔除之渥

謝王奉議以寧啟

寵以書辭申之文卷言溫布帛雖退惠於過情字挾  
風霜寔仰欽於衆製聞暴公子固久見元德秀乃初  
類阻頌蓋之懽深恨揚般之遽頽蒙縟禮加惠陳人  
大鼎烹雞遠器尚淹於小用明珠彈雀瑯文弗悞於  
輕投揣分何堪捫心知感

答卓奉議啟

載膺宸檢獲館郎章約結無奇獨傾心於名士意好  
殆絕尚抵掌於高文辱示書辭獲窺學植屈廷臣之

嚴重同邑子之進趨方何遜劉孝綽則多少俱工比  
鮑昭謝靈運則遲速皆美恐為品藻之累但深藏去  
之榮

答張省幹啓

枉道見存陳詩為賦崢嶸高論驚所養之益深璀璨  
大篇知見禮之加重豫章何必七年而見威鳳蓋由  
一羽而知矧在上庠屢以仲舒為舉首獲交諸父又  
熟阿戎之清談契閣流離寤寐傾渴三年於此矣固  
多脫穎之流一言以蔽之罕見無邪之美仰惟此賜  
宜在珍藏

答孫宣教啓

誦汝墳之章少有干榮之意廢蓼莪之什晚興弗洎  
之悲比竊食于真祠偶藏身于偏壘實先人之舊治  
有元祐之政毅悼歲月之不由愴音容之如在敢謂  
某官曲敦高誼追記曩游特紀述于雅言以發揚于  
潛德賦五君之詠獻不待于諱辰誦百汰之金問何  
勞于曲室感荷之至敷叙奚殫

答孫宣教啓

談經敗績獲寄迹于小邦聞善若驚猶傾心于諸彥  
敢謂某官曲敦雅好過探虛名忘固陋而罷以書辭

慰孤寂而示之文軸見許珣之遠致自尔伏膺賞沈  
約之寄音敢忘擊節豈特珍藏于書簾固將共託于  
詞林佩服至深敷陳固既

答曹宣教啟

校藝奏名疏思賜第事光舉首榮動朝端恭惟某官  
為君子儒知古人体學深窮于聖域文獨步于賢關  
千丈喬松知有棟梁之用五枝仙桂實為門闕之光  
某夙賞高文欣聞譽命敢圖譙眷亦損書辭雖欽造  
述之工恐累游談之實一第涸子耳聊為進士之階  
集賢有人裁行慶<sup>選</sup>揄之寵

答張學銘啟

何武先即學宮始之傳舍朱博不喜儒吏深惡議曹  
既操術之不同宜治道之相遠比緣休吏稍欲崇儒  
意雖粗勤實禮不腆敢期高誼載以雅文施狹求奢  
每自慚于寒乞要輕用重亦恐累于品題敢戢至深  
叙陳固既

除顯謨閣待制謝兩府啟

白簡驟攻久投冗散丹書一洗復玷高華恩與為新  
德何以報伏念某文質無所底材能不及中會初載  
之博延繇常途而躡進冒庠序師儒之長參言語待

從之流峽之固人道之難全殊之實鄙心之不肖鼠  
衡寡教知非容冗之謀炯決榆枋不羨圖南之便果  
罹謗鏢旋辱辨明起於置散之真祠付以承流之樂  
土圖回百緒黽俛二年朝廷不憶一州雖慚前咎民  
庶借留滿歲粗有公言屬積厲於衰門遽纏表於伯  
氏念藐諸孤方賴同爨故叢爾邑未可輕歸不悟表  
言俾躋適列既忝輔郡二千石之印綬又直文考十  
九載之圖書靜推所蒙端有攸自此蓋伏遇某官股  
肱元聖屏翰萬邦以祐賢輔德為經濟之謀以遵制  
揚功為寅亮之實同仁心而引類動義榮以卹淹替  
榮東閣撤据尚恨趨風之遠

賀太宰啟

光膺渙號冊拜冢司周公之覲繡裳爰是皇於四國  
仲山之補衮職蓋以事于一人夷夏共瞻宗枋蒙福  
竊以盛世以置輔為重志士以得時為難抱經綸之  
業者或因跡于草萊都廊廟之位者或貽羞于竹帛  
由才位齟齬而難合故勲業寂寥而無聞天將福於  
斯民世特生于良弼恭惟某官斯文木鐸王國元龜

學貫天人而博窮載籍以來辭該象數而盡屈能言  
之類英毅茂寔夙推先覺之賢峻節忠規篤守後凋  
之操自預聞于大政益眷注于淵衷遵制揚功中轄  
著彌縫之助奉公履正東臺存繩糾之功果符夢卜  
之求遂冠鈞衡之峻積又新之政已寅亮于天工開  
衆正之門共行熙于帝載伏念某小器窘用孤根場  
楸久困風波幸託旂幟之茂未填溝壑悉歸播植之

公

湖州到任謝兩府啟

出刺周南曾微優最改臨吳會更勉後圖祇荷生成

伏深榮懼伏念某簡編糟粕之學場屋翫馘之文用  
此躋榮可名僥倖推移從祿類衆担之賦三選軟畏  
人慕靈龜之藏六樂就外服以畢餘年昨分一面之  
符未報三年之政雖免曠瘼之責遽纏仇儷之哀未  
能擊缶以忘情亟欲卜岡而就定懇求近地稍便私  
門荷大臣之用心付小麾而如志惟吳之與樂土萃  
江左之名賢杼峰存三癸之名峴嶺標五花之勝白  
蘋洲上著騷客之風流紫花瀨邊有茶山之燕賞敢  
圖推擇誤及庸虛此蓋伏遇某官博厚惠和忠清直  
亮丕揚可大之業輔成不拔之基歛衽廟堂致恭藎

之不採提衡品類直桃李以無言某敢不祇誦德音  
勉晞循吏庶幾一得仰報萬分

答海門知縣啟

遠胎書疏復往詩文辭華高步於上京才義不慚於  
小雅舌耕滋久瞻奧學于胸中腹藁便成湧佳言于  
筆下雖云出衆願輕示人誦讀爽然政思文卷之盡  
流傳遠甚居然紙價之高仰竿牘之甚勤識絃歌之  
多暇雖菁華之悅目揆涼薄以頽頽不敢當蒙但知  
咸戢

答王知縣啟

百誦文交至暫整單裝兩怒既消復還舊治老守有蒙  
成之幸邑子遂依仁之公竊以愷悌無循昔稱良吏  
培克媿快今號軼材既務守官固當罹咎雖粟邑換  
尹賞職益以卑而內史愛倪寬殿更為最果緣公議  
特勉後圖願益專於所聞以卒相於予治

鄧州到任謝執政啟

愚誠上達懇求避於親嫌朝論無容特改除于郡寄  
撫封云始揣分知榮伏念某才不足以治劇濟煩學  
不足以鈎深索隱早緣識擢嘗獲在前晚以愚蠢久  
從外補留滯周南之境奔趨吳會之郊歲瑄七州未



始僥求于內舉國門三過其誰肯致于裏言每處順  
以安時姑深根而寧極惟茲巨屏素號樂郊敢圖生  
成舉是寄屬此蓋伏遇某官功弼乃后道覺此民擴  
伊尹納溝之仁懋傳說濟川之業弛張因革濟國勢  
於安榮小大浮沉器人材而式序肆令孤拙獲此便  
安韋常員推豈敢責成于參佐名父杜母庶幾追繼  
於循良

鄧州謝范左丞啟

祗膺宸極謬當方伯連帥之權趣引郡章獲繼鉅德  
元勳之後荷恩實重揣分增榮伏念某文不輩於時

流學僅傳于家法幸緣親擢稍躡常塗方幅員徧屏  
序之時五月師儒之等暨朝廷興禮樂之際三居綿  
蕪之官雖事功無毫髮之微而議論有金石之固豈  
且乘隙遂爾易心中綠背馳久困外補蕭望之各從  
所好晉荀息不食其言歲籥七更詎肯僥求於內舉  
國門三過何階入覲于中宸惟茲大邦夙號樂土猥  
當出刺深媿食浮伐柯在前既仰承于舊政隣輝不  
遠又獲借于餘光恭惟某官天庭寶臣海內詞伯險  
夷否泰在峻節以不渝進退行藏視古人而無愧方  
廟堂之闕位佇渙號以揚庭獨專國柄之崇仰膺時

雍之會重惟浮賤過荷獎知近緣假道以登門幸獲  
望塵而侍坐加蓮豆之踐仍許造于後堂窺雲漢之  
章遂徧覩於崇宇雖大賢折節以下士而小己揣分  
以難酬感幸之深敷宣莫罄

與范左丞致虛啟

絲綸示眷藁塊奪情將正位于鈞衡姑承流於屏翰  
縈懷所繫控避莫從恭惟某官學洞古今忠存社稷  
早登文陛服在諫垣仰昭正武之功力奪爭臣之節  
贊禋紹述一言可以興邦擯斥朋邪三進蓋嘗及雷  
以持從藁擢預政机方亮采以奮庸忽銜哀而去位

上方側席民亦具瞻與其失夔契之忠毋寧奪曾閔  
之孝果聞大渙趣使遄歸諒惟朝事之初即播弼諧  
之命某屬拘榮職莫遂望塵輒陳竿牘之儀少伸寰  
海之慶

再與范左丞啟

確守禮經益欲表儀於當世曲從誠請是為體貌于  
大臣雖鬱四海之具瞻克篤三年之通制有識交頌  
不謀同辭恭惟某官氣稟天和學優王佐讜議早扶  
於國是忠規屢警於邦朋爰錄勲庸遂參机政王臣  
蹇一方盡瘁以輸忠棘人樂二遽銜哀而去位祇膺

奪服聊免造朝仁者安仁固不忘于子職孝乎惟孝  
深上動于天聰豈惟君子之光實使懦夫有立

上執政啟

經邦碩輔阻窺數仞之墻刺郡冗僚屢枉五雲之字  
瞻風莫遂結念增勞恭惟某官識遠而非小知器博  
而宜大用幽經奧牒盡究生民以來大冊高文坐屈  
能言之類獨緣儒效自結聖知涖經事而知其宜臨  
大節而不可奪補衮正上公之枋賜履昭元戎之權  
示大壯於端闈寔資制侑頒上花於陽館更賴燮調  
不違咫尺之顏如倚左右之手爰從枚卜起付鈞衡

秘殿聯榮入告嘉謀於后鼎司爰立日下膏澤於民  
諒在通辰更膺正拜伏念某方依覆露夙荷獎知悵  
滯迹於四州阻曳裾於東閣永言瞻頌難喻端倪

賀提舉監丞啟

祇奉帝綸顯持使節先生所至公議咸歸恭惟某官  
學窮古聖人之原材出見大夫之右頃膺推擇入踐  
要繁惟摘山煮海之權實富國疆兵之利變通成法  
內則掌於司冢提按列城外則諉之部使暫煩直指  
即慶逆歸某坎堞餘年依棲大庇日好輶車之至庶  
諧履幕之瞻

賀湖州秦守啟

對揚便殿具輸獻納之忠擢領輔藩優畀承宣之寄  
先教遠播公議咸歸恭惟某官材冠士林望高時論  
學識九流之廣文追三代之醇夙推廊廟之安久屈  
雲霄之步果膺拔舉峻履高華寵之禁嚴論撰之資  
付之山水清流之地自副車而陟守實聳州縣之榮  
覩以介弟而繼兄更作衣冠之盛事諒未遑于煖席  
已夙駕于追鋒某潦倒材疎陸沉歲久亦安身于林  
壑獲託庇于旣幪側聞鳳詔之頒日佇集禩之至其  
為欣望莫罄叙陳

賀宇文寶文時中知湖州啟

西清寓職總內閣之圖書南土專城作行朝之屏翰  
命出九重之邃歡騰千里之遙恭惟某官直諒而多  
聞宏毅而在重量吞千頃腹貯五車詞章特擅于家  
毅伯仲並登于政府名還蜀道初畀秉輅改命吳興  
復膺剖竹先生四水榮動五亭黃蘗山前續江淹之  
文采白蘋州畔繼柳惲之風流諒惟開府之初即有  
追鋒之名某久緣固陋坐窳安閑雖陶令已歸于田  
園而龐公不入於城府徒託二天之庇阻脩一刺之  
恭

賀陳大資與義知湖州啟

以心膂臣而暫辭机政以股肱郡而來布教條旌靈  
再臨山河增重恭惟某官式是百辟媚茲一人文辭  
獨行於中朝器業藹聞於早歲繇北扉之清近擢東  
府之贊襄天賦之才蓋天下士而非特國士人究其  
實乃社稷臣而何止功臣初違咫尺之顏如失右左  
之手首之往矣留千里之袴襦今也來茲被三公之  
衮繡行聞名節登拜冢司

賀汪少鄉思溫知湖州啟

度命拜州差辰開府股肱帝室潤分九里之河父母

侯邦庇擴二天之覆恭以某官望高朝匠學冠時髦  
文體要以精深器恢宏而凝劬入居九列當牒訴浩  
繁之司出領一麾得山水清遠之地承流伊始頌德  
攸同某鄉廬頃遭鬱攸之灾浮家暫寓窮僻之壤退  
惟困躓辱在悒懔陶令已歸田園但知退聽龐公不  
入城府尚阻進趨

謝蔣縣丞汝功啟

伏蒙某官撥簿領之沉迷喜親戚之警歎遠迂都騎  
來顧衡門寵以長牋既遂盍簪之願示之衆製更諧  
擊節之觀仰惟鄉曲之英蚤擅文章之譽二年學而

至于穀已極淹該一卷書而立之師更求博約惟他  
時之所到豈小智之易量感佩之誠敷陳固既  
賀中書侍郎啟

祇膺中詔入侍西臺翊贊萬幾克懋格天之業踐更  
二府共歆稽古之榮渙號誕揚敷天成喜恭惟某官  
德尊一代智傑萬人衆推為王佐之材自任以天下  
之重體道則六通四闢而咸在應事則千轉萬變而  
不窮早被簡知亟躋華顯洎居常伯造在版曹以邦  
用封靡為近憂以民力凋耗為深患間緣造膝之對  
力陳逆耳之言不忠失於在前寧輸忠而補外屬嗣

皇訪落之始當毡鄉俶之初策入都城日有舉鋒之  
警環觀諸將誰為戡難之人旁探師虞顯疇嘉績起  
公於師帥之任付公以宥密之司旋降芝函改臨鳳  
沼光輔惟新之政大開至正之門載績武功以銷未形  
之患誕敷文德增築太平之基式副具瞻行膺爰立  
伏念某多仇少與數免稀遷迹滯南冠莫遂望塵之  
幸魂飛東閣徒深頌德之誠

賀范留守致虛啟

爰擇剛辰已開留府陵寢增重嵩洛有光凡預庇存  
交深欣抃恭惟某官經邦碩輔命世真儒以克舜孝

第為尊主之謀以稷契忠嘉為奮身之術早躋大用  
蒞經事而知其宜自勵匪躬臨大節而不可奪特輟  
燮調之任一蘓衆大之區暫此居留著赤舄几几之  
望行聞入相賦綠竹猗猗之詩

賀平江知府胡舍人啟

奉選勞之新渥躋次對之舊班屏翰有光朝廷增重  
恭惟某官英豪間氣道德名儒學窮六籍之醇文起  
八代之陋討論潤色岷因珠而不枯險阻艱難草以  
風而知勁碩惟劇即既訖外庸龍已升雲乃眷攀鱗  
之舊魚方縱壑更逢激水之寬諒在過歸即膺巨用

澆瓜為惠坐令一境之安采菲不遺更荷五雲之及

賀吳少宰啟

顯膺綸綍冊拜鈞衡一言興邦獨定公于社稷百官  
承式亟冠位于疑丞天人具孚華夏咸熙嘉恭惟某官  
膺天大任為世真儒早以異材徧躋膺任紫微司制  
衆欽華國之文青瑣納言自許經邦之策謀猷屢告  
權近不容久安均逸之居益養其瞻之望繼銜車之  
峻召陟玉堂之近班凜然松柏之後凋卓爾著龜之  
前識臨大節而不可奪可謂稷契之忠遭變事而知  
其宜替成舜禹之事俄穹廬之倣擾致神器之震搖

諸老生語如寒蟬見大夫竄若狡兔天祐國步公輔  
政机智略如神而從容于倉卒之時言辭如湧而啟  
發于睿神之聽力非出狩之議坐成堅守之功不移  
宗彝再造王室宋昌之迎代即謀協天心謝安之擊  
淮淝威破寇膽爰膺帝制進秉國成大開象正之門  
力贊惟新之政胤斥壬倭拔舉滯淹形孝愛之風念  
宸衷付託之重謹號令之出絕祖父艱難之初太平  
之期指日可俟其霸單之迹撲拙自將欣聞大號之  
揚倍激懦衷之慶

又賀少宰啟

光膺典冊進拜鈞衡君陳之入告謀猷久隆帝眷周  
公之丕視功載遂總國成綸綍誕揚朝野交慶竊以  
坐廟堂而謀王體秉机軸而亮天工上則燮和于陰  
陽外則鎮撫于夷狄用人得失繫國重輕故當光明  
盛大之時必有魁偉俊傑之輔假羽翼而橫絕疆精  
神而折衝恭惟某官本朝宗工斯民先覺有經天緯  
地之文而濟以淹該之學有尊主強國之術而持以  
肅括之誠方掄材三舍之初即冠名群俊之上紙價  
驟貴衆共服于文鳴帝席屢前上特驚于見晚粵從  
詞禁權預政机尊制揚工上繼承于先烈料敵制勝



盡開拓于故疆果符審象之求亟付贊元之重無偏  
無陂已簡記于淵表有猷有為於擴摠於遠業伏念  
某官斗筭小器刀筆下材冊府交文嘗預俊遊之末  
銓曹浮食亦叨職守之聯留落七年浮沉三郡欽聞  
大渙竊抃危悚久困風波今幸憚憫之庇未填滄壑  
永依播<sup>植</sup>填之公

賀張樞密啟

被宸廷之優眷陞樞筦之要塗國步必安海隅相慶  
竊以朝廷之基大治獨倚倚柄臣外域之擾中原無  
甚今日協贊中興之業寔賴本兵之賢蓋時平則庸

常措畫而有餘運否則雄傑馳驚而不足既遜于衆  
必惟其人恭惟某官學富載籍以來文冠能言之類  
屹然威望之重何止金湯淵然智略之明共推著蔡  
蚤緣際遇亟踐高華執憲霜臺繩糾著正人之効摘  
詞禁苑艱虞繫內相之謀果探衆諧遂膺大用坐運  
籌于幄帷方析衝以精神飾武備而俾姦凶褫魂數  
文德而俾民俗安堵而某身投員館名竄丹書雖王  
揚在朝不敢效貢公之喜而干木既進亦當予西河  
之榮

賀樞密啟

光奉宸輝峻陞樞筦詔頌<sup>頌</sup>夷夏喜動兵民竊惟宥密  
之司實得幾深之託載用有嗣方備預于武經克壯  
其猷且倚毗于人傑惟智局之邇故足以訓齊政軍  
惟威望之著故足以懾服遠人果緣公論之歸寵付  
戎昭之重恭惟某官生逢休運自致亨塗早摠告后  
之嘉猷久負禦戎之上策謀略之重則隱如教國名  
節之懋則配彼上臣昨因險艱草因風而知勁退從  
閑左寶在夜而愈光名還喉舌之臣遂正股肱之任  
握兵之要雖倚重於珠鈴秉國之鈞即奮庸于石畫

賀富樞密啟

拜恩丹陛冠位紫樞萬口騰歡四方聳聽竊以明主  
有興衰撥亂之志惟得賢則能亮天功蓋臣有見危  
授命之忠惟得位則能奮賢業上既有特異之眷下  
必收非常之勲恭惟某官德量深醇謀猷宏遠直亮  
本於世閱忠義出於天資責難之恭以文武未墜于  
地將順其美非堯舜不陳於前早緣補衮之司進貳  
本兵之寄坐摠素蘊入替况机擬之祖風夙秉威懷  
之略蹇之臣節大施經濟之才果協師虞進長樞筦  
方將芟夷氛祲盡闢漢唐之土疆崇振紀綱恢復祖  
宗之勳業某方縻遠郡阻慶高閣頌詠之勤敷宜周

既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

... 既入... 既入... 既入... 既入... 既入...

丹陽集卷六

宋葛勝仲撰

啟

謝修撰啟

元身閑左分老明時通藉禁嚴忽膺譽命人皆怜其

愈鈍已獨媿于乍賢伏念某拙味趨時愚惟信古在

緩冕則多仇少與於塗轍則數免稀邊昨罷一麾今

踰六稔憔悴自驚於黃馘飢窮殆類于白丁雖滯

推天分以自安而出處繫人臣之大義念國步多艰

之際乃臣工致命之秋既不能畫半策于聖天子之

前又不獲效寸勞於賢大夫之後捫心自嘆顧影知  
慚忽玷高華實為僥冒此蓋伏遇某官中興佐命先  
覺上臣念掃河洛之塵將翕清於寰宇必擴山藪之  
量先廣拔于人材愚智兼收功罪咸錄素安以不錮  
人為德苟或以能進善為功香之鈞天昔已甘於夢  
斷迨之星漢今或望于槎通尚覲異時得酌洪造

湖州到任謝兩府啓

浮家四水初為習隱之謀出命九閣誤玷惟良之寄  
免寒塗之偃薄即官次之便安自為之謀不過如此  
伏念某材非大受學第小知少不自量冀享途之接

武老而多難潔孤迹以投閑方且賦歸來篇於松菊  
之間詠招隱詩於雪月之夜躬營小隱以樂餘年歎  
奉誤恩俾臨舊治白骨再肉雖荷生成于思復來豈  
無媻笑此蓋伏遇某官中興倚仗吾道權衡不廢窮  
人知聾盲跛喑之有用若築大厦須義自偃植之各  
安肆令寒谷之人上達細糴之聽蘋洲花瀨敢事於  
燕游羽檄軍書第勤於警備

湖州到任謝監職啟

雲水便藩浙河都會承流自昔初無遺愛之在人申  
命督行獨荷隆恩之圖舊仰無以副朝廷因任之眷

俯無以慰民俗挽由之誠奏職云初省躬多懼恭惟  
某官望高時論德冠士林當劇部之按廣疎百城之  
觀聽盤根錯節方知膚敏之材聳溝昂霄佇發經綸之  
蘊頌惟昧陋辱在庇存幸會實多敷陳周既

上監職啟二首

肅將明命久欽直指之風退服冗僚莫展上交之禮  
遜瞻名德坐後營情恭惟某官學無常師文有奇分  
書林論纂實繁潤色之工憲府弼諧夙著糾繩之譽  
眷茲劇部就委軼材豈惟資振職之中聊以副承顏  
之便佇聞名節擢寘禁途伏念某罪不逃刑貧犹仰

祿量材揣分固難遙於英奇辯迹求心或未愆於名  
義幸茲委瑣託在庇存

章紱之榮撫孤老而竊幸獄市之寄豈衰朽之能堪  
自驚流落之餘猶玷選掄之渥幸茲昧陋託在庇存  
恭惟某官學冠世儒望高時論盤根錯節而大才始  
見聳溝昂霄而遠器巨量被眷中宸覲風劇部將肅  
肅之明命已訖外庸贊觀之成功即躋近綴某方  
縻賤役阻造崇墉恭俟按臨親承約束

賀張恭政啟

光奉異恩進奉大政朝野增氣華夏均歡竊以任重

疑丞才難今古當中外奠枕之際常人經畫而有餘  
及朝廷旰食之時聖神馳騁而不足上方抗大有為  
之志公實負不世出之姿當立政造事之辰冀聚精  
會神之效乃眷帷幄就擢鈞衡恭惟某官志大而才  
高任重而道廣事業三朝之望忠嘉一德之臣執法  
憲臺豺狼不敢當道運籌樞筦樽俎可以折衝屢奏  
膚公益隆宸眷謂本兵右府既顯効於珠鈐倘預政  
中臺必大摠于石畫遂揚渙揚登總政札隆太平君  
子之基當春秋賢者之責佇聞爰立式副其瞻某拘  
窘郡符阻趨台坂桑榆已晚敢期封植之恩松菊將

歸少託帡幪之庇  
賀秦恭政啟

伏審寵膺神指入輔政机當聖賢馳騁之時獨膺清  
舉課道德安疆之效行底丕平天人同休夷夏交慶  
恭惟某官莊重而履坦高明而休常博極群書起高  
名於儒館堅持正論慄孤操於霜臺屬矣運之中微  
致翠華之北狩由雪霜而識後凋之勁栢因風雨而  
知不已之鷄鳴奮節入朝臨大節而不可奪挺身歸  
國遭事變而知其權師言交趣於策勳上眷益隆於  
聽履遂登三事光贊萬幾行聞端右之除允副弼諧

之託伏念某寒鄉曲學仕路陳人方拘窘於守符阻  
登趣于材館敢祈禱於得荷旃幟

賀秦太師啟

祇膺再命擢拜帝師慶浹人天恩流華裔竊以為三  
公而論道尤重師臣宅百揆而惠疇仍都相職粵惟  
周室大倚師垣雖武用太公嘗著鷹揚之效而成尊  
姬且猶存狼跋之疑孰若策不賞之元勳正久虛之  
重任君臣有鳧藻之合社稷致磐石之安民言大同  
國是坐定恭惟某官博大而持正高明而守中格于  
皇天夙負耕莘之蘊保茲天子共推降嶽之英繇次

輔之協忠正冢司而專任操持一節調燮萬幾仰惟  
東朝久淹朔望野慈闈於萬里之外阻大養于一紀  
之餘雖睿主焦心以待其還然群臣卷舌而不敢議  
獨公決策與神為謀既馳使駟以輸誠果見奎輿之  
返國事先前史功數中興西宮之蜃紉繼還中壺之  
龍輜亦至慈寧顯厥獲神愛日之孝誠永固崇成復  
慰在天之靈鑒惟此非常之盛事併歸夾輔之秘謀  
臥鼓橐弓已見升平之象苴茅胙土更期慶賜之行  
伏念某備官迎睽尸祿道館十年流落自安麋鹿之  
羣一德明揚敢忘燕雀之賀

顯謨閣待制謝兩府啟

承宣優寄媿負明恩侍從近班忽叨申命自惟固陋  
仰累生成伏念某材不加人學徒信已荷道君之優  
眷嘗現職于西雍事淵聖於初潛獲侍經于東邸無  
親黨扳聯之助盡聖神特達之知中緣萋菲之言例  
廢歲年之久祇奉上聖復付名藩撫綏安堵之民屏  
戢潢池之盜庶收尺寸上報丘山然帑庾匱而不能  
足帥筮之須葯餌空而無以悅高公之衆拙疎無策  
汰免是宜何圖肆眚之隆寬不以瘞官而賜隔食真  
祠於景毫寵近綴于甘泉在於衰遲併為僥倖此蓋  
伏遇某官精忠謀國知畧佐時將恢復于土疆廣延  
登于俊乂有如鄒瑄亦起滯淹方竊幸于退藏願未  
皇於報塞期于異日誓不空食

代充守謝到任啟

藩宣之寄遴擇時髦固陋之人誤塵詔擢位非才稱  
榮與媿并惟少昊之故墟寔祥符之督府恢儒闕里  
丕揚洙泗之風檢玉介丘遠跨云亭之盛曲阜著褒  
封之迹壽丘開嗜欲之祥宜得重人以光雄鎮如某  
者立朝寡援涉世多艱無耿介拔俗之標有欵啟寡  
聞之陋平亭邦憲不能翫法以從人宣布郡條庶或



遵繩而寡過習巧宦者鄙其方拙懷遠略者笑其迂  
愚師心自盟沒齒無悔敢謂高華之選漫為衰朽之  
榮此蓋伏過某官光秉國鈞鬱為時棟以德誼佑弼  
聖主以公忠識拔衆臣期萬物之遂宜恥一夫之不  
獲致茲凡薄亦預選掄某敢不勉職業之當修勵猷  
為之不迨庶幾報効仰副生成

代謝改官啟

服勤書契雅無編削之勞拜命恩綸誤被超遷之寵  
仰膺儲賞俯激懦衷竊以職方辨九服之圖使同貫  
利外史掌四方之志以達書名洪惟聖朝奄奠區域

尺地莫非王土黎獻共為帝臣山川藪澤之混教職  
貢族<sup>系</sup>絲之紛錯宜有不刊之典以垂罔極之傳肆命  
儒宗顯總書局然地遠則咨諏必廣蓋事大則討論  
至難子雲欲纂于方言徧詢計吏太冲凝作於都賦  
遠訪蜀人因命方州各供圖志擇時髦而講貫設勸  
典以褒延苟非其人不在此遠如某者性愚而志癖  
才薄而數竒躡屐擔簦久擁經于學者濡毫操牘屢  
獻藝于文場弟兄並綴于辭科仕宦獨沉于門調失  
壽陵之步雖負初心讀輪扁之書敢忘素業昨備官  
於曹掾獲遙迹於師儒猥奉檄書使詳輿地惟此海

沂之境介於徐充之間焚膏稽考者殆二年跼足方  
求者周五邑刊除謬誤補綴闕遺無寔之言固異景  
公之卷有得之慮輒獻野人之芹徒知職分之當然  
敢謂宗公之過聽特形奏牘俾進官聯眎昧所加逆  
起駕駘之價息華下建更包龍斷之羞此蓋伏遇某  
官道德宗師文章哲匠敷求英雋以報聖主之知樂  
育人才上濟師臣之美有如疵賤曲荷<sup>於</sup>衿憐卵翼已  
成盡出生成之賜消埃可效敢忘報稱之圖

策問

治德

問傳曰明王即位建大中以承天心則庶徵序於下  
日月理於上又曰天子建中和之極兼總條貫以順  
成天慶故善治者莫大於建中又曰天下本無事庸  
人擾之爾第澄其源何憂不簡邪又曰切恨國家釋  
樂成之業而虛為此紛紛也故善治者莫先於靖民  
湯之執中舜之恭己盛帝顯王之稱煌<sub>二</sub>于天下率  
循是而已恭惟聖天子紹祚<sub>二</sub>于茲精神所嚮天  
順之人應之雖庶僚百執不足仰望清光然竊意其  
萬一殆專以大公至正之術待天下也紀元詔書懇  
到切至士有一言及此者不以次而官使之此二三

子所睹聞也夫居尊而制四極正始而慮萬世非大明法度不足以藩飾非廣延賢智不足以維持也今朝廷既皆知二三子其茂明之以著于篇毋使問以國事千轉萬變而不窮專美方冊也

### 治功

問蓋聞上古隆治之時俊良者傑無不登用姦回諛媚無不放斥四夷賓服百吏競奮黎民醇厚風俗移易天災時變昆蟲草木之妖無不消彌休符嘉瑞麟鳳龜龍之屬無不備至郊天祀地神示頌答跂行喙息無不得宜嗚呼何修何飾而至此歟本朝受命百

數十年聖二相授潤色宏業以今觀察治効之隆豈盡如右耶其亦有未至耶興利之要何先補弊之術何貴守成之道何以杜患之幾何務諸君具言之毋有所隱

### 治效

問周室之興岐幽豐鎬四易都邑修仁累義受命卒伐積十七年至于成康然後兵寢圖空號稱極治何其難耶唐文皇伏羲晉陽不三月帝天下投戈偃革之日未久已能使貞觀之民居者外戶不闔行者旅糧不齎何其易耶然周道陵夷既久諸侯疆大莫之

敢傾邦廓之卜卒過其歷唐至天寶海內已亂自安  
史首難悍鎮矯據四十八州乍服乍叛訖不能有豈  
治効有淺深之異故禍亂之作亦有淹速歟公孫宏  
誦語漢庭謂周公且治天下暮年而變尚竊遲之則  
圖治疑若甚易李石抗對便坐謂十年養德甫成爾  
天下治不治要自今觀之則圖治又若難甚孔子曰  
善人為邦百年可以勝殘去殺矣治果易乎又曰如  
有用我者期月而已治果難乎歷觀前世通儒上才  
品議時政亦雜然不一或曰日中必曩操刀必割持  
是說者其言剛果而必行若賈誼告文帝失今不治

必為痼疾不肯早為豈異秦之季世是已或曰物暴  
長者必夭折功卒成者必亟壞持是說者其言寬緩  
而不迫若朱浮告世祖游意經年之外望化必世之  
後是已二端異焉將時勢使之然歟方文思天子在  
上達孝紹先猷明德臨海縣厲精治道宵旰念此至  
熟也將速撫長駕井田肉刑比隆三代之盛又慮未  
可以歲月幾也將興補滯弊持守盈成苟圖目前之  
治而已又慮不足以貽則萬代也然則奈何諸君學  
優智明通達國體其盡言之于篇以啟告愚陋亦歎  
學相長之義也

官制

問在昔治隆之時分職以馭群臣因能以裁列位治  
稷者不以涖水土之功典禮者不以居犴獄之任下  
至虞人之賤猶知守官典衣之微不敢出位故能同  
德協義共圖康功何其盛也去古浸遠官制紊亂先  
後失當崇卑奪倫序爵之公無復可考神宗皇帝慨  
然念之遠稽成周之隆近約宇文之制肇修廢典董  
正治官始以階定品而省臺寺監之儀粲然一新矣  
名定而實應職分而事舉在下者思於競勸居上者  
易於循責品式周密濟于乎鄉于六服承德之時矣  
今朝廷紹隆前休增光潤色約循成書以詔萬世蓋  
將與唐之六典並驅而爭光也議者為閑曹概補則  
吏有冗員文移複重則局有滯事官司之遷徙太數  
司徒之弊蠹未清尚有可論者試條陳其端以復于  
上增損更化助成不刊之典豈不休哉

官方

問讀先王之詩攷其風聲氣俗士大夫庶恥行義藹  
藹穆之何其盛耶仕止之義雍容可覩羞于夸毗以  
倖爵寵故其詩曰靖共尔位正直是與引君當道不  
以拱嘿為智故其詩曰來游來歌以矢其音質實忠

朴雖在隱陋無所蔽欺故其詩曰蕭蕭兔置於施中  
林超之武夫公候腹心勤勞營職朝夕夙夜故其詩  
曰通勉事從不敢告勞此其所以能掖扶國是而宣  
贊時雍者也以今在籍考之垂纓戴襪充百執事之  
逸者蓋鉅萬計不為不盛矣然射進者以奔趨銜鬻  
為深謀患失者以抗直敢言為無策以至誕謾誣偽  
懷罔上之姦委靡因循為於食之計殆不可縷數其  
能魁然振振流俗之外者亦無幾人爾豈干祿之路  
狃于故習訖不可變歟將播告訓勅勸誘懲艾者未  
至也昔賈生有言人言注所託財器職業者粹于羣下

也俱亡恥俱苟安則國家最病今諸生受業學廡有  
日矣其宜據古驗今議所以矯華之方若夫庸庸守  
常之論非所欲觀也

### 選舉

問掌銓總者以用人為職能官人則振職矣若其所  
以振職不必問也司貢舉者以取士為任能得士則  
勝任矣若其所以勝任不必問也昔任昉指劉之遴  
謂王瞻曰此子學優未仕水鏡所且甄擢瞻即處以  
要官是昔之能官人者亦因眾譽也崔郾試進士吳  
武陵將杜牧阿房賦為疾讀郾即處以異等是昔之

能得士者亦採素論也今吏部之啟擬一以資格禮部之考闕一以文辭成法定令付在有司尸其事者雖達官近輔猶不得毫釐如損也况敢開請寄之路乎雖足以示至公而披寒素然故人人稱其才分所宜未必盡能如古也議者欲少寬禁防兼採平日之衆論以為用人取士之術庶幾已仕者無淹卹之患未仕者無遺失之嗟不識其說可聽否試援古推今而論之

### 考察

問書曰無曠庶官天工人其代之語曰修廢官四方

之政行焉此聖人垂世之格言也後世乃有官省則事省事省則心清之說蓋搜羅之不精課覈之無法人人偷合保置而漫不營職則雖多無益也若夫百執事之選皆得真才而官使之咸修智能効見于事則豈以多為憂哉仰惟主上焦勞萬務慎擇庶民不愛爵寵以示延納雖文王之能官未有以過也異時要官顯級虛位弗置與夫閑曹複員一官兼領者今皆擇推布滿而聯事合治矣又增六察以糾愆違置六尚以司服御膳茗有使均輸有官建內外學校而聯師儒至於數百修山澤政令而命丞佐至于數千

皆前日所未及者也尚慮有司庶尹不孚上意自奮于功名之途而奉職日循姑為游食養望之計不識選除之方課考之令何修而可比於先王之盛二三子能知之乎

問自鄉舉里選之法廢而以詞藝取士略其平時而論其一日凡流倖進望士間黜非徒朝廷之深患待舉者亦病之裕陵稽古欲覈實于庠序而漸革科舉之弊於是成均政令一新廣輸與之居豐饒厚之秩慎飾儒之選增弟子之員優遷補之條重請寄

之爵以至于今人材之成比隆於多士濟之之世德至厚也今朝廷欲推廣美意增建州縣學擇其秀出於等類者升之辟雍論材而官之議固已定而法則未下也諸生試論著其詳以待講議局之采擇

### 士習

問古之儒者用於君則憂君之憂食於民則惠民之患在下而不用則積學修身而已固未有救鄉鄰之閒而代大匠之斲者也今之儒服者往往不能以分義自安投罅伺隙干時射進追逐時好章交公車甚者飾游詞以誣善類倡邪說以瀆先烈彼其居心積



慮豈真有意於整紛救弊哉不過僥倖爵賞偷取少  
頃之榮而已迨夫時論載新國是既定又則盡變前  
日之說而更為趨附之計隱隱呈露上煩司敗之刑  
嗚呼古之所謂常心持操者固如是乎昔戰國之際  
處士橫議朝縱暮橫而東京之衰太學諸生品覈公  
卿裁量執政以成黨錮之禍皆前世弊事也以今文  
明之時教養之盛而士無統一之操若此不識何以  
救之

### 勸學

問通經好學天下以鄒魯為稱首今列學士之版者

殆以千計可謂盛矣郡學新書蔽自上意加惠學者  
恩意甚寵遵行寢久雖十室之聚無不揭牆壁而昭  
示之業進士者皆所睹聞也是宜歸心慕義雲合霧  
集使泮林之上俎豆之容閭之可觀絃歌之聲疊之  
相屬追昔洙泗之盛顧不韙歎今則不然扭于晏安  
志在瑣屑甘為自賊自暴之士而恬然無不若人之  
恥者尚多有之甚者掉臂於改築之宮其視黻宇廢  
興不啻如秦人視越人肥瘠豈能副明天子樂育之  
意哉語曰學如不及猶恐失之傳曰懷與安實敗名  
昔人蓋有輕千里而迎師走百舍而問道者今不出

父母之邦而得自進于學誠非旦暮過也願友計若此獨何歎議者謂攻異端闢邪說徐以聖人之精義誘掖而開達使道德性命之固有者瞭然神受然後能樂靈德而趨嚮之勸學之序當如此諸生以為何如

### 試士

問國家三歲一下明詔獵取天下俊傑考其經以現其學考其論以觀其識策之世務以觀其才其軒然秀出者不旋踵而昇以爵位招延之路甚廣春禮之意甚隆而禁防之術似未盡也論者謂近歲場屋有

四弊不書行寔一也限以定數二也冒名代試三也挾書求售四也昔賈至議貢士欲使保桑梓者鄉里舉在流寓者庠序推庶幾兼得士之行寔今徒貢一日之文而略平日之行則可乎丁鴻議孝廉使郡國率戶二十萬歲荐一人不滿則二歲一人故能革前日不均之患今諸郡取士寬狹至相倍蓰初不顧應書之數而一切限以定額則可乎假手旁坐借人外助此唐弊法也今欲得真才如之何不峻其防陳書庭中不肯露索此唐異事也今欲觀記問如之何不覈其實考言選事近在數月諸君智策甚高通達國

体科選利害講之尤宜詳願悉意陳之將以告于春官氏焉

### 富强

問懋化居者理財之義訓浮墮者疆兵之術語政者莫先焉元豐真人修明憲法加惠天下凡邦邑皆置平準局以權萬貨低昂使重裝富賈不得擅豪奪之柄利源之入歸於公上此泉府治市之餘意也或曰設官籠貨與細民爭銖兩之得似非王人布利之意其說信乎陪京諸道籍擿勇之民保伍聯結教以技藝蒐閱漸可革冗兵待哺之費此鄉遂寓軍之遺法

也或曰聚不逞之人授之凶器非惟防農墮業且虞其嘯集生事其說信乎恭惟主上緝熙功緒纖巨畢舉惟茲二者或置之不論或復之未盡其故何邪豈時異事变終不可恢復歟議論之士不深覈其實而姑為是啗之也諸君通知世務行作吏矣利害之實其詳著之有補于今日紹隆之政豈不休哉

### 食貨

問生人之本食與貨而已農能修水土之功則食足商能興刀布之利則貨通然後國富民實而服教化故箕子陳洪範推為八政之首而史家亦曰道御之

而王權用之而霸古今一也方成周時天子自治者  
止於寰內千里而懋治穡之官至不可勝數後世以  
海宇之大生聚之富而魯無官師及於食貨之務此  
民所以多瘠也主上以孝友之德紹休兩朝以神明  
之資勵精庶政比詔郡邑皆置農田市場之官蓋將  
挈提生靈納之富壽凜二三王之舉矣今欲地無遺  
利民無遺力而年穀常豐亡者使有利者使阜而民  
財不乏不識常有以裨朝廷之憲令者乎

藩鎮

問唐自天寶失御燕寇內訌桀黠挺亂方鎮割裂史

家雖具著於篇而制禦得失之方論術未備也魏博  
七州傳襲六姓不沾王化者一失於僕固懷恩再失  
於馬希倩三失於李懷光四失於馬燧五失於田布  
六失於李聽其說信乎章武以元和九年秋討蔡至  
十有二年冬十月然後元濟授首嘗怪其以英銳絕  
人之姿團天下之兵據人主之勢與三州之孺子敵  
顧乃老師曠日僅能克之杜牧謂由五敗不去詳考  
事實殆真有之至討成德出入十年叛渙之臣訖不  
能羈致闕下或謂丁未詔書赦承宗而班師者謀失  
於白居易庶辰詔承宗受地者謀失於田洪正其是

非又何如也盧龍之地已得復失議者皆歸咎崔植  
杜元穎不知制將蕭俛段文昌不知制兵或又曰始  
不用裴度而用張宏靖燕薊所以亡終不用裴度而  
視賊弗討燕薊所以不能復矛盾之說又將安據也  
會昌澤潞之功李德裕一人耳觀其抵排浮議要結  
外援訓師使整而壯御將使專而勇謀猶有足稱者  
願併論之以觀諸君博古之蘊焉

遠識

問姦臣竊命諛媚成俗金匱大誥之書藏於海內西  
漢所以亡也而論者歸罪張禹閹尹擅朝擊斷無諱

回天獨坐之謠譁于民間東漢所以亡也而論者歸  
罪胡廣豈其偏見異說苟欲惑衆歟將獨覽深識灼  
知基阼之自故探端揣本而誅之也齊晉之季也晏  
子叔向能預言吳魏之亡也子胥卜偃能先見隋文  
帝靖三方之難破五王之謀混一南北天下仰治而  
嫡庶殺亂房元齡獨深憂之晉武帝用張羊之謀仗  
王杜之決後不二時揚越歸附而無經國遠圖何穎  
考獨深憂之已而陵土未乾板蕩同轍一何標鑒之  
明邪且天下大物也基廣根深故無傾拔之慮苟目  
前之安而不思長久之計則禍隙雖未露而識者寒

心矣方策所載諸生講求熟矣悉條舉以告愚陋者

靖民


問槃瓠遺育介恃險絕敢以烏合之衆騷繹吾園雖  
蚍蜉蟻子不足汙刀机然邊氓一有不被浸潤之澤  
者上聖所戚也於是起沉英於久廢而屬以干城之  
略僂任職之不度而詰其誨盜之因赫然興師洗滌  
區落詔使節方及境而兩路之提邊至矣歸我舊境  
錫之新名而慎揀守將以撫綏之甚盛舉也尚慮遠  
人歸附之始所以招懷安輯之方備豫久長之計有  
當議者幸詳著之

律令

問律令之學號為較易然區別綱條貫通倫類意論  
輕重慎淺測深使纖微曲折無不與郵罰相當非積  
日究習者往往不能通其旨神宗皇帝睿慮及此始  
建東學以處士張法科以取人又命業進士者皆試  
律義庶家修人習知奉三尺以從事且涖官弊訟之  
際無致紛紜枉撓之失而惠澤延及于齊民慮至遠  
也後之議者以謂經術儒雅自足飾吏事雋不疑北  
海一文學而能決疑獄徐有功東郡一明經而用法  
無寬至杜周張湯輩號明知憲令而弄文亂法至使

人重足而立且吏道自有資財何至使待舉之士弊  
精神於末學由是附律之意廢格不用今欲取元豐  
之美意附益於取士法中二三子以為可否







律